

CHIM-GIÂN (20)

1 Í-sek-liát ong Tāi-plt ê kiáⁿ Só·lô-bûn ê chim-giân.

²Beh hō· lāng oē hiáu-tit tì-hūi kap kà-sī, Bēng-pék thong-tát ê oē;

³Hō· lāng siū kà-sī, oē ēng tì-hūi pān tāi-chì, Ēng kong-gī, phoàⁿ-toàn, chēng-tít;

⁴Hō· gōng-tít ê lāng ū lēng-khiàu, Hō· siàu-liân lāng ū tì-sek kap kè-ék;

⁵Hō· tì-hūi ê lāng thiaⁿ-kìⁿ, ke-thiⁿ hāk-būn; Hō· chhang-miā ê lāng tit-tiòh chin ê kiàn-sek;

⁶Hō· lāng bēng-pék chim-giân kap só· chhut ê chhai.

⁷Kēng-ùi Iā-hô-hoa sī tì-sek ê kun-pún; Gū-gōng ê lāng biáu-sī tì-hūi kap kà-sī.

⁸Goá ê kiáⁿ, tiòh thiaⁿ lí ê lāu-pē ê kàu-tok; M̄-thang khi-sak lí ê lāu-bú ê kà-sī.

⁹In-ūi che beh choè lí thâu-khak-téng ê súi-bō, Lí ê ām-kún ê kim-liân.

¹⁰Goá ê kiáⁿ, pháiⁿ-lāng nā ín-iú lí, Lí m̄-thang thàn i.

¹¹In nā kóng, Lí kap goán khi, Lán lâi bih-teh thâi lāng, Bô in-toaⁿ tng-tán bô-choē ê lāng,

¹²Lán chhin-chhiūⁿ im-hú kâ in oah-oah thun--lòh-khi: In chhin-chhiūⁿ hām-lòh khiⁿ ê lāng, hō· lán choè chit-ē thun--lòh-khi;

¹³Lán beh tit-tiòh ták-iūⁿ ê pó-mih, Ēng só· chhiúⁿ-ê, tún-moá lán ê chhù;

¹⁴Lí lâi jíp goán ê tóng, Tāi-ke ū kong-kiōng ê gūn-tē.

¹⁵Goá ê kiáⁿ, bôh-tit kap in tâng kiáⁿ, Iok-sok lí ê kha bôh-tit táh in ê lō·.

¹⁶In-ūi in ê kha cháu-khi kiáⁿ-pháiⁿ, In koáⁿ-kín beh hō· lāng lāu-huih.

¹⁷Siat lô-bāng hō· chiáu-á khoàⁿ-kìⁿ, Che sī khang-khang.

¹⁸Chiah ê lāng bih-teh sī lāu in ka-kī ê huih, Tng-tán sī hāi ka-kī ê sīⁿ-miā.

¹⁹Kìⁿ-nā tham châi-lī--ê, in ê lō· sī án-ni, Chiū-sī chhiúⁿ-théh ka-kī ê sīⁿ-miā.

²⁰Tì-hūi tī koe-lō· toā-siaⁿ kiò, Tī khui-khoah ê só·-chāi chhut i ê siaⁿ.

²¹Tī lāu-jiát ê koe-lō·-thâu, toā-siaⁿ kiò, Tī siáⁿ-m̄ng-kháu, tī siáⁿ-lāi, kóng-chhut i ê oē;

²²Kóng, Gōng-tít lāng ài gōng-tít, Bú-bān lāng ài bú-bān, Gū-gōng lāng oàn-hūn tì-sek, beh kàu sím-mih sī ah?

²³Goá chek-pī lín, lín tiòh oát-túg; Khoàⁿ ah, goá beh ēng goá ê sīn kàng-lòh hō· lín, Ēng goá ê oē chí-sī lín.

²⁴In-ūi goá bat kiò, lín m̄-thiaⁿ; Goá bat chhun-chhiú, bô lāng tì-ì;

²⁵Lín hoán-túg khoàⁿ-khin goá it-chhè ê khoàn-kài, M̄-khéng siū goá ê chek-pī.

²⁶Só·-í lín tú-tiòh hoān-lān, goá beh chhìn-chhiò, Lín tú-tiòh kiaⁿ-hiáⁿ, goá beh lāng-gīn.

²⁷Lín ê kiaⁿ-hiáⁿ chhin-chhiūⁿ kōng-hong chhe-lāi, Lín ê chai-hō chhin-chhiūⁿ kúg-lê-

hong sàu-lâi, Hoân-lân thông-khó· lîm-kàu lín sin-chiūⁿ.

²⁸Hit-sî in beh kiū goá, goá m̄-thiaⁿ, Chhiat-chhiat chhē goá, chhē boē tiòh.

²⁹In-ūi in oàn-hūn tì-sek, Bô hoaⁿ-hí kèng-ùi Iâ-hô-hoa.

³⁰M̄-thiaⁿ goá ê khoàn-kài, Biáu-sī goá ê chek-pī.

³¹Só·-í in beh chiáh ka-kī kiâⁿ-choè ê ké-chí, Hō· in tit-tiòh só· kè-bô· kàu pá-ià.

³²Gōng-tīt lāng ê poē-biū beh hō· i tì-kàu sí, Gū-gōng lāng an-iát, beh hō· i tì-kàu biát-bô.

³³Tók-tók thiaⁿ-thàn goá ê beh an-jiân khiā-khí; Beh hióng-siū an-chēng, bô kiaⁿ tú-tiòh chai-ê.

2 Goá ê kiáⁿ, lí nā sêng-siū goá ê oē, Chûn goá ê bēng-lēng tī sim-lāi;

²Hō· lí àⁿ hī-khang thiaⁿ tì-hūi, Choan-sim kiū chhang-miâ;

³Kiū tit-tiòh bēng-lí, Toā-siaⁿ kiū chhang-miâ;

⁴Nā chhē i chhin-chhiūⁿ chhē gûn, Chhiau-chhē i chhin-chhiūⁿ chhiau-chhē khng-bát ê pó-poè;

⁵Lí chiū bēng-pék kèng-ùi Iâ-hô-hoa ê sū, Chhē-tiòh bat Siōng-tè ê lí.

⁶In-ūi Iâ-hô-hoa siúⁿ-sù tì-hūi, Chai-bat kap chhang-miâ lóng tui I ê chhui chhut.

⁷I ká chng-tít ê lāng chek-chū chin ê tì-hūi, Kā kiâⁿ-choè toan-chiàⁿ ê lāng choè tân-pâi.

⁸Thang pó-siú kong-pēng ê lō·, Pó-hō· sèng-tô· ê lō·.

⁹Lí chiū bēng-pék kong-gī phoàⁿ-toàn, Chng-tít kap it-chhè ê hó-lō·.

¹⁰In-ūi tì-hūi beh jip lí ê sim, Tì-sek choè lí ê sîn-hūn só· hoaⁿ-hí-ê.

¹¹Kè-ék beh pó-hō· lí, Chhang-miâ beh pó-siú lí.

¹²Beh hō· lí siám-pī pháiⁿ-lō·, Thoat-lī kóng hng-gék ê lāng.

¹³Hit-hō lāng pàng-sak chng-tít ê lō·, Kiâⁿ o·-àm ê lō·.

¹⁴In hoaⁿ-hí choè-pháiⁿ, Ì-ài pháiⁿ-lāng ê hng-gék.

¹⁵In ê lō· oan-khiau, In ê só·-kiâⁿ hng-gék.

¹⁶Beh hō· lí siám-pī im-hū, Chiū-sī kóng thiam-mī oē ê kī-lú.

¹⁷I khi-sak siàu-liân ê sí ê phit-phoè, Boē kī-tit i ê Siōng-tè ê iok.

¹⁸In-ūi i ê chhui ng tī sí-bô, I ê lō· thau im-hú.

¹⁹Kiⁿ-nā kàu i hia--ê, bô chit-ê tò-túg, Iâ boē-oē jip oáh-miâ ê lō·.

²⁰Tì-hūi beh hō· lí kiâⁿ hó-lāng ê lō·, Siú gī-lāng ê lō·.

²¹In-ūi chng-tít ê lāng beh khiā-khí toē-bīn, Oan-choân ê lāng iā beh lâu tī-hia.

²²Tók-tók pháiⁿ-lāng beh tui toē-bīn chián-tū, kan-chà beh tui hia puih-chhut.

3 Goá ê kiáⁿ, m̄-thang boē kī-tit goá ê kà-sī; Lí ê sim tiòh chip-siú goá ê kài-bēng.

²In-ūi hiah-ê beh chiong kú-tng ê jít-chí, tng ê hē-siū, Kap pēng-an, ke-thiⁿ hō· lí.

³M̄-thang hō· chū-ài sēng-sit lī-khui lí; Tiòh pák tī lí ê ām-kún, Khek tī lí ê sim-pi.

⁴Án-ni lí beh tī Siōng-tè kap lāng ê bīn-chēng, Tit-tiòh un-tián kap hó miâ-siaⁿ.

⁵Lí tiòh choan-sim oá-khò Iâ-hô-hoa, M̄-thang oá-khò lí ka-kī ê gâu.

⁶Tī lí it-chhè só· kiâⁿ ê sū lóng tiòh jīm I, I beh chí-tiám lí ê lō·.

⁷M̄-thang ka-kī khoàⁿ-choè tì-hūi, Tiòh kèng-ùi Iâ-hô-hoa, lī-khui pháiⁿ-sū.

⁸Che oē hō· lí ê sin-thé íóng-kiāⁿ, Lūn-ték lí ê kun-kut.

⁹Tiòh ēng lí ê chài-bút, Kap lí it-chhè khí-thâu sèk ê thó·-sán, chun-kèng Iâ-hô-hoa.

¹⁰Án-ni lí ê chhek-chhng beh tīⁿ moá-moá, Lí ê chiú-khut beh ū sin-chiú moá--chhut-lâi.

¹¹Goá ê kiáⁿ, m̄-thang khoàⁿ-khin Iâ-hô-hoa ê keng-kài, Iâh m̄-thang iàm-chiān I ê chek-pī.

¹²In-ūi Iâ-hô-hoa chek-pī I só· thiàⁿ--ê, Chhin-chhiūⁿ lâu-pē chek-pī i só· hoaⁿ-hí ê kiáⁿ.

¹³Tit-tiòh tì-hūi--ê, tit-tiòh chhang-miā, Chit-hō láng ū hok-khì.

¹⁴In-ūi tit-tiòh i iāⁿ-kè tit-tiòh gūn, I ê tek-lī khah-iāⁿ hó-kim.

¹⁵Pí āng-pó-chiòh khah kùì-khì; Lí só· him-bō·-ê, bô chit-hāng oē pí-tit i.

¹⁶I ê chiàⁿ-chhiú ū tng hè-siū, I ê tò-chhiú ū hó-giáh kap chun-kùì.

¹⁷I ê lō· sī khoài-lók ê lō·; I ê lō·-kèng lóng sī pēng-an.

¹⁸Tùì-tī chhi-siú i ê láng, sī choè oáh-miā chhiū, Khīⁿ-tiâu i ê, ták-ê ū hok-khì.

¹⁹Iâ-hô-hoa ēng tì-hūi kiàn-lp toē, Ēng chhang-miā an-tì thiⁿ.

²⁰Ēng I ê tì-sek hō· chhim-ian lih-khui, Kiong-chhong lōh lō·-chúi.

²¹Goá ê kiáⁿ, tiòh chip-siú chin ê tì-hūi kap kè-ék; M̄-thang hō· in lī-khui lí ê bák-chiu.

²²Án-ni in beh tī lí ê lēng-hūn choè oáh-miā; Tī lí ê ām-kún choè súi ê chng-thāⁿ.

²³Lí chiū beh an-jian kiāⁿ lí ê lō·; Lí ê kha iâh bô tiòh-tak.

²⁴Lí tó-teh, tek-khak bô kiaⁿ; Lí tó-teh, beh chin hó-khùn.

²⁵Hut-jian lâi ê kiaⁿ-hiāⁿ, lí m̄-bián kiaⁿ; Pháiⁿ-lâng só· tú-tiòh ê pāi-hoāi, lí iā m̄-bián

kiaⁿ.

²⁶In-ūi Iâ-hô-hoa beh choè lí só· oá-khò--ê; I beh pó-siú lí ê kha bô hām-lōh lô-bāng.

²⁷Lí ê chhiú nā ū kiāⁿ-hó ê khui-lát, m̄-thang the-sī, Chiū tiòh thèh hō· hit-ê eng-kai tit-tiòh ê láng.

²⁸Lí nā ū piān, m̄-thang tui lí ê chhù-piⁿ kóng, Chhiáⁿ khi, Bîn-á-jit koh lâi, goá beh hō· lí.

²⁹Lí ê chhù-piⁿ tī lí ê hū-kūn an--jian khiā-khí; Lí m̄-thang siat kè-bō· hāi i.

³⁰Lâng m̄-bat hām-hāi lí; Lí m̄-thang bô in-toaⁿ kap i oan-ke.

³¹M̄-thang him-soān kiông-pō ê láng; Iâh m̄-thang keng i só· kiāⁿ ê lō·.

³²In-ūi hēng-gék ê láng sī Iâ-hô-hoa só· iàm-ò·ⁿ; Chèng-tit ê láng I kap i chhin-bít.

³³Iâ-hô-hoa ê chiū-chó· kàu tī pháiⁿ-lâng ê ke; Nā-sī hó-lâng ê chhù I siúⁿ-sù hok-khì hō· i.

³⁴Bú-bān láng--ê, I bú-bān i; Si-un hō· khiam-pi ê láng.

³⁵Tì-hūi ê láng beh sēng-chiap ēng-kng; Gū-gōng ê láng seng-koāiⁿ iā chiāⁿ-choè kiàn-siàu.

4 Lín chiah ê kiáⁿ ah, tiòh thiaⁿ lâu-pē ê kà-sī; Tiòh chù-ì lâi tit-tiòh bēng-lí.

²In-ūi goá ēng hó ê tō-lí hō· lín; M̄-thang khi-sak goá ê hoat-tō·.

³Goá sī lâu-pē ê kiáⁿ; Tī lâu-bú ê bīn-chēng choè i tē-it thiàⁿ ê iù-siú kiáⁿ.

⁴Lâu-pē kà-sī goá, kà goá kóng, Lí ê sim tiòh kì-tiâu goá ê oē, Chun-siú goá ê bēng-lēng, chiū tit-tiòh oáh.

⁵Tiòh tit-tiòh tì-hūi, tiòh tit-tiòh chhang-miā, M̄-thang boē kì-tit, m̄-thang lī-khui goá só· kóng ê oē.

⁶M̄-thang khi-sak tì-hūi, i beh pó-hō· lí; Tiòh thiàⁿ i, i beh chiàu-kò· lí.

⁷Tì-hūi sī kun-pún, tiòh tit-tiòh tì-hūi; Tī lí it-chhè só· tit-tiòh ê tiong-kan, tiòh tit-tiòh chhang-miā.

⁸Lí nā chun-tiōng i, i beh hō· lí seng-koāiⁿ; Lí nā loan-bō· i, i chiū hō· lí êng-kng.

⁹I beh ēng súi ê bō tì tī lí ê thâu-khak; Chiong êng-kng ê bián-liū hō· lí.

¹⁰Goá ê kiáⁿ, tiòh thiaⁿ lâi chiap-láp goá ê oē, Chiū beh chiáh tng hè-siū.

¹¹Goá í-keng chí-sī lí tì-hūi ê lō·, Ín-chhoā lí kiáⁿ cheng-tit ê lō·-keng.

¹²Lí kiáⁿ ê sī, bô tì-kàu chók-gāi; Lí cháu, iáh bô tì-kàu tiòh-tak.

¹³Tiòh chip-siú kà-sī, m̄-thang pàng-sang; Tiòh kín-sim siú i, in-ūi i sī lí ê oáh-miā.

¹⁴Hiong-ok ê lāng ê lō· bôh-tit jíp; Pháiⁿ-lāng ê lō· bôh-tit kiáⁿ.

¹⁵Tiòh siám-pī i, m̄-thang tui hia kè; Tiòh oát-cháu lī-khui i, chìn-chêng khi.

¹⁶In-ūi i nā bô hāi lāng, chiū boē khùn-tit; Nā bô hō· lāng poáh-tó, chiū khùn boē lóh-bîn.

¹⁷In-ūi in tui hiong-ok tit-tiòh chiáh-piáⁿ; Tui kiōng-pō tit-tiòh lim-chiú.

¹⁸Tók-tók gī-lāng ê lō·, chhin-chhiūⁿ thau-chá ê kng, Ná-chiò ná-kng, kàu jīt-tiong-tàu.

¹⁹Pháiⁿ-lāng ê lō·, chhin-chhiūⁿ o·-àm; In tiòh-tak m̄-chai sím-mih iân-kò·.

²⁰Goá ê kiáⁿ tiòh chù-ì thiaⁿ goá ê oē, Àⁿ hī-khang thiaⁿ goá só· kóng--ê.

²¹M̄-thang hō· i lī-khui lí ê bák-chiu, Tiòh kì-tiâu tī lí ê sim-lāi.

²²In-ūi chhē-tiòh i ê lāng, chiū tit-tiòh oáh-miā; Koh thong seng-khu tit-tiòh íóng-kiáⁿ.

²³Lí tiòh chīn-lát pó-siú lí ê sim. In-ūi i sī oáh-miā ê kun-goân.

²⁴Lí ê chhùi tiòh tū-khi siā-phiah; Lí ê chhùi-tún tiòh lī-khui hêng-gék.

²⁵Lí ê bák-chiu tiòh khoàⁿ tít-tít; Lí ê bák-chiu tiòh khoàⁿ thau-chêng.

²⁶Tiòh siu-pīⁿ lí ê kha ê lō·; Tiòh kian-kò· lí lóng-chóng ê lō·-tô·.

²⁷M̄-thang phian-chó phian-iū; Tiòh hō· lí ê kha lī-khui pháiⁿ.

5 Goá ê kiáⁿ, tiòh liū-sim tī goá ê tì-hūi; Àⁿ hī-khang thiaⁿ goá ê chhang-miā ê oē.

²Ui-tiòh beh hō· lí chip-siú kè-ék, chhùi-tún pò-chūn chai-bat.

³In-ūi im-hū ê chhùi-tún tih-lóh tìⁿ-bit; I ê chhùi pí iū khah-kút.

⁴Kàu-bé chiū khó· chhin-chhiūⁿ in-tin; Lāi chhin-chhiūⁿ siang-bīn ê kiām.

⁵I ê kha lóh kàu sí-toē; I ê kha-pō· táh-tiòh im-hú.

⁶Tì-kàu oáh-miā pìⁿ-tháⁿ ê lō· i chhē-boē-tiòh; I ê lō· bô tiāⁿ-tiòh, i iā m̄-chai.

⁷Goá chiaⁿ ê kiáⁿ ah, taⁿ tiòh thiaⁿ-thàn goá; M̄-thang lī-khui goá só· kóng ê oē.

⁸Lí ê lō· tiòh lī-khui i hng-hng; M̄-thang kiáⁿ-kūn i ê m̄ng-kháu.

⁹Kiaⁿ-liáu lí chiong ka-kī ê êng-kng hō· pát-lāng; Chiong lí ê hè-siū hō· chân-jím ê lāng.

¹⁰Kiaⁿ-liáu goā-lāng tit-tiòh lí ê chíⁿ-châi moá-moá; Lí tiòh-boā tit-tiòh-ê kui tī goā-lāng ê ke.

¹¹Kàu-bé lí ê jiók-thé soe-pāi; Lí chiū pi-ai thók-khui.

¹²Chiū kóng, Hāi ah, goá cháíⁿ-iūⁿ oàn-hūn kà-sī; Sim-lāi biáu-sī chek-pī;

¹³Iáh bô thiaⁿ-thàn goá ê sian-siⁿ ê oē; Koh bô àⁿ hī-khang thiaⁿ hiah-ê kà-sī goá ê lāng;

¹⁴Goá tī hoē-chèng kap tãi-hoē tiong, Hiám-hiám hām-lóh tī tak-hō ê pháiⁿ.

¹⁵Lí tiòh lim ka-kī chúí-tī-lāi ê chúí; Lim ka-kī chíⁿ-lāi só· chhut ê chúí.

¹⁶Lí ê chúí-choāⁿ kiám thang moá--chhut goā-bīn? Lí ê khoe-chúí kiám thang lâu tī koe-lō·?

¹⁷Tók-tók kui lí chít-lâng; M̄-thang kap pát-lâng saⁿ-kap ēng.

¹⁸Tiòh hō· lí ê chúí-choāⁿ tit-tiòh hok-khì; Tiòh hoaⁿ-hí lí siàu-liân ê sĩ só· chhoā ê bó·.

¹⁹I chhin-chhiūⁿ thang thiàⁿ ê lók-bú, thang hoaⁿ-hí ê lók-bú; I ê heng-chêng hō· lí sĩ-sĩ ti-chiok; I ê ài-chêng hō· lí siông-siông loan-bō·.

²⁰Goá ê kiáⁿ, lí siáⁿ-sū loan-bō· im-hū? Siáⁿ-sū phó kī-lú ê heng-chêng?

²¹In-ūi lâng só· kiáⁿ ê lō· lóng tī Iâ-hô-hoa ê bák-chiu-chêng; I iā siu-pīⁿ lâng it-chhè ê lō·.

²²Pháiⁿ-lâng beh hō· ka-kī ê choē-koà khīⁿ-tiòh; I beh hō· i choē-ok ê soh pák-teh.

²³I in-ūi khiàm-kheh kà-sī beh tì-kàu sí-bô; Koh in-ūi gū-gōng kàu-kék, beh kiāⁿ chha-lō·.

6 Goá ê kiáⁿ, lí nā ūi-tiòh chhù-piⁿ choè tiong-pó, Thoè goā-lâng tah-èng;

²Lí chiū hō· chhui-lāi ê oē tauh--tiòh, Hō· chhui-lāi ê oē khīⁿ--tiòh.

³Goá ê kiáⁿ, lí kì-jian lóh tī chhù-piⁿ ê chhiú-tiong, Taⁿ tiòh án-ni kiāⁿ, lāi kiù ka-kī. Lí tiòh khiam-pi khì khún-kiu lí ê chhù-piⁿ.

⁴M̄-thang hō· lí ê bák-chiu khùn--khì, M̄-thang hō· lí ê bák-chiu-phê pàng-khoeh.

⁵Tiòh kiù ka-kī, chhin-chhiūⁿ lók thoat-lī phah-láh ê lâng ê chhiú; Chhin-chhiūⁿ chiáu thoat-lī liáh chiáu-á ê lâng ê chhiú.

⁶Pîn-toāⁿ ê lâng ah, lí tiòh khì khoàⁿ káu-hiā, Siūⁿ i ê kiāⁿ-choè, thang tit-tiòh tì-hui.

⁷I bô thâu-bák, Bô kam-tok, bô sĩ-toā,

⁸Iáu-kú tī hē-thiⁿ pī-pān i ê chiáh-mih, Tī siu-koah ê sĩ chek-chū i ê bí-niū.

⁹Pîn-toāⁿ lâng ah, lí beh khùn kàu tī-sĩ ah? Lí sím-mih sĩ khùn-chhiⁿ khí-lāi ah?

¹⁰Koh khùn tiap-á-kú, koh bīn tiap-á-kú, Sok-chhiú the tiap-á-kú;

¹¹Lí ê sòng-hiong beh chhin-chhiūⁿ chhát lāi; Lí ê khiàm-kheh chhin-chhiūⁿ chhēng chiàn-kah--ê lāi.

¹²Bô hē-lóh ê pháiⁿ-lâng, Kiāⁿ-choè chiū ēng koāi-biū ê chhui,

¹³Nih-bák hoē-ì, ēng kha pí ì-sù, Ēng chúg-thâu-á chí-tiám.

¹⁴Sim-lāi koāi-phiah, siông-siông kè-bô· pháiⁿ-sū; Sĩ-koè so-lōng oan-ke.

¹⁵Só·-í i ê chai-ē hut-jian līm-kàu; I beh hut-jian pāi-hoāi, bô hoat thang i-tī.

¹⁶Ū lāk-hāng sĩ Iâ-hô-hoa só· oàn-hūn, Liân I ê sim sò· iām-òⁿ--ê, ū chhit-hāng;

¹⁷Chiū-sĩ kiau-ngō· ê bák-chiu, kóng pèh-chhát ê chih, Chhiú thài bô-choē ê lâng;

¹⁸Sim tô·-bô· pháiⁿ-sū, Kha kín-kín kiāⁿ hām-hāi;

¹⁹Kóng pèh-chhát ê ké kan-chèng, Tī hiaⁿ-tī tiong so-lōng oan-ke ê lâng.

²⁰Goá ê kiáⁿ, tiòh chip-siú lí ê lâu-pē ê bēng-lēng, M̄-thang khì-sak lí ê lâu-bú ê kà-sĩ.

²¹Tiòh siông-siông kì-tiâu tī lí ê sim, Koà tī lí ê ām-kún.

²²Lí kiāⁿ-lō· ê sĩ chiū ín-chhoā lí; Lí khùn ê sĩ chiū pó-siú lí; Lí khùn-chhiⁿ chiū kap lí tâm-lūn.

²³In-ūi bēng-lēng sĩ teng, kà-sĩ sĩ kng; Chiàu-hoat ê chek-pī sĩ oah-miā ê lō·;

²⁴Oē pó-siú lí bô chhin-kūn pháiⁿ ê hū-jîn-lâng, Bô thiaⁿ kī-lú thiám-mī ê oē.

²⁵Lí ê sim-lāi m̄-thang loan-bō· i ê súi-sek; Iā m̄-thang hō· i ê bák-chiu-phê ín-iú.

²⁶In-ūi kī-lú oē hō· lāng chí-ū chhun chit-tè-piáⁿ; Ím-hū oē chhiūⁿ-toát lāng pó-kùi ê oáh-miā.

²⁷Lāng kiám oē phō hé tī heng-chêng, I ê saⁿ iáh bô tòh--khì mah?

²⁸Lāng kiám oē táh tī jiát ê hé-thoàⁿ, I ê kha iáh bô sio--tiòh mah?

²⁹Chhin-kūn chhù-piⁿ ê bó--ê, iáh sī án-ni; Kìⁿ-nā bong i ê, boē bián-tit siū-choē.

³⁰Chhát in-ūi iau thau-théh mih lái chí-ki, Lāng bô khoàⁿ-khin i.

³¹Siat-sú hō· lāng liáh-tiòh, tiòh pē chhit-pē; Tiòh chiong ke-lāi só·-ū--ê, lóng hō· lāng.

³²Kap lāng ê bó· kiāⁿ-ím--ê, chiū-sī bô tì-sek; Kiāⁿ chit ê sū--ê, beh sún-hāi ka-kī ê sìn-miā.

³³I beh siū siong-hāi kap lêng-jiók; I ê kiàn-siàu boē-oē soé-tù.

³⁴In-ūi tò·khī chiū-sī lāng ê toā siū-khì; Pò-siū ê sī tek-khak bô khoan-iông.

³⁵Ēng gūn siók-choē, i iā m-tih; Lí sui-jiân sàng choē-choē lé-mih, i iā m pàng lí soah.

7 Goá ê kiáⁿ, lí tiòh pó-siú goá ê oē, Sim-lāi khng goá ê bēng-lēng.

²Pó-siú goá ê bēng-lēng chiū tit-tiòh oáh; Pó-siú goá ê kà-sī, chhin-chhiūⁿ pó-siú bák-chiu-jîn.

³Pák tī lí ê chúg-thâu-á, Khek tī lí ê sim-pi.

⁴Tiòh tui tì-hui kóng, Lí sī goá ê chí-bē, Tiòh kiò chhang-miā choē lí ê chhin-lāng.

⁵I oē pó-hō· lí siám-pī ím-hū, Siám-pī kóng thiám-mī oē ê kī-lú.

⁶Goá bat khiā tī goá ê chhù ê thang-á, Tui goá ê thang-á-chí khoàⁿ-chhut-khì.

⁷Khoàⁿ-kìⁿ gū-gōng lāng ê lái-bīn, hāu-siⁿ-ke ê tiong-kan, Bēng-bēng khoàⁿ-kìⁿ ū chit-ê bû-ti ê siàu-liân lāng,

⁸Tui koe-lō· keng-kè, kūn ím-hū ê chhù-kak, Kiāⁿ hit-tiâu thau-kau i ê chhù ê lô·;

⁹Tī hông-hun, tī ê-hng, Tī mī--sī ê o·-àm.

¹⁰Khoàⁿ ah, ū chit ê hū-jîn-lāng tú-tiòh i, Sī kī-lú ê táⁿ-pān, ū káu-koài ê sim-su.

¹¹Chit ê hū-jîn-lāng gâu-jióng, bô siū iok-sok; I ê kha bô toà chhù.

¹²Ū-sī tī koe-lō--nih, ū-sī tī khui-khoah ê só·-chāi; Ū-sī tī ták ê hāng-kháu teh tng-tán.

¹³Khīⁿ hit ê siàu-liân lāng, kap i chim-chhùi; Bô kiàn-siàu ê bīn-sek, tui i kóng,

¹⁴Goá chia ū pēng-an-chè; Kín-á-jit ū siā goá ê goān.

¹⁵Só·-í goá chhut-lai ngiā-chih lí, Khún-chhiat chhē-kìⁿ lí ê bīn, tú-hó tú-tiòh lí.

¹⁶Goá í-keng ēng siū-hoe ê thán-á, Kap Ai-kip ê soàⁿ só· chit ū hoe-choā ê pò·, chhu tī goá ê bīn-chhng.

¹⁷Goá koh ēng bít-iòh, tím-hiuⁿ, jiók-kui, Hiú goá ê chhng.

¹⁸Lai ah, lán thang híong-siū ài-chêng kau moá-ì, tit-kau thiⁿ-kng, Lán thang saⁿ-kap loan-ài khoài-lók.

¹⁹In-ūi ta-po·-lāng bô tī chhù--nih, Chhut-khì kiāⁿ hng-lō·.

²⁰I chhiú toà gūn-tē; Kàu gēh-íⁿ chiah tò-lai.

²¹Ím-hū ēng choē-choē kī-khiáu ê oē ín-iú i, Ēng thiám-mī ê chhui pek i saⁿ-kap khi.

²²I liām-piⁿ tè i khi, Chhin-chhiūⁿ gū khan khi thāi; Koh chhin-chhiūⁿ gōng-lāng toà só-liān, khi siū hēng-hoát.

²³Kàu chìⁿ siā-jíp i ê koaⁿ, Chhin-chhiūⁿ chiáu-á kín-kín jíp lô-bāng, Iā m-chai che sī koan-hē i ê sìn-miā.

²⁴Chiah ê kiáⁿ ah, taⁿ tiòh thiaⁿ-thàn goá. Liū-sim thiaⁿ goá só· kóng ê oē.

²⁵Lí ê sim m̄-thang ì-hiòng i ê lō̄, M̄-thang bê tī i ê lō̄.

²⁶In-ūi i hō̄ choē-choē lāng siū-siong tó--lōh-khì; Koh chin-choē lāng hō̄ i thāi-sí.

²⁷I ê chhū sī choē im-hú ê lō̄, Chhoā kàu sí-bô ê chhū-théh.

8 Tì-hūi kiám bô teh kiò? Chhang-miá kiám bô chhut-siaⁿ?

²I tī lō̄-piⁿ koāiⁿ-toē ê téng-bīn, Tī sīp-jī lō̄-kháu teh khiā.

³Tī siāⁿ-m̄ng piⁿ, tī siāⁿ-m̄ng kháu, Tī siāⁿ chhut-jīp ê só̄-chāi, toā-siaⁿ kiò kóng,

⁴Chèng-lāng ah, goá kiò lín, Goá òng sè-kan lāng chhut-siaⁿ.

⁵Kóng, Gōng-tit ê lāng ah, lín tiòh oē hiáu-tit thong-tát ê lí; Gū-gōng ê lāng ah, lín sim-lāi tiòh bēng-pék.

⁶Lín tiòh thiaⁿ, in-ūi goá beh kóng kék-hó ê sū; Goá beh khui-chhūi lūn chèng-tit ê sū.

⁷Goá ê chhūi beh kóng-chhut chin-sit; Goá ê chhūi-tūn oàn-hūn pháiⁿ-tāi.

⁸Goá só̄ kóng ê oē, lóng sī kong-gī; Kī-tiong bô oan-khiau koāi-biū.

⁹Che oē bēng-lí ê lāng lóng oē hiáu-tit, Tit-tiòh tì-sek ê lāng lóng liáh-choē chèng-tit.

¹⁰Lín tiòh sēng-siū goá ê kà-sī, khah-hó tit-tiòh pēh-gūn; Tit-tiòh tì-sek, khah-hó tit-tiòh ñg-kim.

¹¹In-ūi tì-hūi pí âng-pó-chiòh khah-hó; It-chhè só̄ him-bō̄--ê, lóng boē kap i pí-tit.

¹²Goá tì-hūi ēng thong-tát choē khiā-khí ê só̄-chāi; Koh chhē-tiòh tì-sek kap kè-ék.

¹³Kèng-ùi Iā-hô-hoa chāi-tī oàn-hūn pháiⁿ-tāi; Hīt-hô kiau-ngō̄, lām-sám, kap pháiⁿ-lō̄, Í-kíp koāi-biū ê chhūi, lóng sī goá só̄ oàn-hūn.

¹⁴Goá ū kè-ék kap chin ê tì-sek; Goá chiū-sī chhang-miá, goá ū lēng-lék.

¹⁵Tè-ông tui goá lâi chē-ūi; Jīn-kun tui goá tiāⁿ-tiòh kong-pēng ê hoat.

¹⁶Ông-chhin kap kù-chòk, sè-chiūⁿ it-chhè ê sīm-phoàⁿ-sī, Lóng sī tui goá lâi chiáng-koân.

¹⁷Thiāⁿ goá--ê, goá iā thiāⁿ i; Khún-chhiat chhē goá--ê, beh chhē-tiòh.

¹⁸Hó-giáh chun-kui chāi-tī goá, Kú-tūg ê pù-ū kap kong-gī iā chāi-tī goá.

¹⁹Goá ê ké-chí khah-hó ñg-kim, iāⁿ-kè hó-kim; Goá ê chhut-sek iāⁿ-kè bûn-gūn.

²⁰Goá kiāⁿ tī kong-gī ê lō̄; Kiāⁿ tī kong-pēng chiaⁿ ê lō̄-tiong.

²¹Hō̄ thiāⁿ goá ê lāng sēng-siū hē-chāi; Iā chhióng-moá in ê hú-khò̄.

²²Tī Iā-hô-hoa chō-hoà ê khí-thâu, Tī kék khí-thâu chhòng-chō̄ ê tãi-seng, goá sī I só̄ ū.

²³Tui éng-oán, tui kék khí-thâu, Bē ū sè-kài ê tãi-seng, goá í-keng siū siat-lip.

²⁴Bē ū chhim-ian, bē ū choē-choē chúi ê chúi-choāⁿ, Í-keng siⁿ goá.

²⁵Toā-soaⁿ bē tiāⁿ-tiòh, sió-soaⁿ bē ū ê tãi-seng, Í-keng siⁿ goá.

²⁶Iā-hô-hoa iáu-bē chhòng-chō̄ toā-toē kap chhân-iá, Í-kíp toē-chiūⁿ thô̄-hún ê goân-chit.

²⁷I kiàn-lip chiaⁿ ê thiⁿ; Siat iⁿ-khoân tī chhim-ian ê téng-bīn;

²⁸Téng-bīn an-tì kiong-chhong; Kian-kò̄ chhim-ian ê chúi-choāⁿ;

²⁹Kā hái tiāⁿ-tiòh kài-hān; Hō̄ chúi bô poāⁿ-kè I ê bēng-lēng; Tiāⁿ-tiòh toā-toē ê kun-ki, goá kap I tī-teh.

³⁰Hīt-sī goá tī-hia choē sai-hū-thâu; Jīt-jīt hō̄ I hoaⁿ-hí, Siông-siông tī I bīn-chēng khoài-lók;

³¹Tī thang khiā-khí ê toē khoài-lók; Iā kap sè-kan lāng saⁿ-kap hoaⁿ-hí.

³²Lín chiaⁿ ê kiáⁿ, taⁿ tiòh thiaⁿ-thàn goá; In-ūi chip-siú goá ê tō-lō--ê, chiū ū hok-khì.

³³Tiòh thiaⁿ kà-sī, chiū tit-tiòh tì-hūi, M̄-thang khi-choát i.

³⁴Thiaⁿ-thàn goá, jít-jít tī goá ê m̄ng-kháu teh tán, Tī goá ê m̄ng-khiā-piⁿ theng-hāu ê, Hit-hō lāng ū hok-khì.

³⁵In-ūi chhē-tiòh goá--ê, chiū chhē-tiòh oáh-miā; Iā beh tui Iā-hô-hoa tit-tiòh un-hūi.

³⁶Teh-choē goá--ê, sī hāi ka-kī ê sīⁿ-miā; Oàn-hūn goá--ê, lóng sī ka-kī chhú sí.

9 Tì-hūi ū khí i ê chhù, Ū phah i chhit ki thiāu.

²Ū thāi i ê cheng-siⁿ, ū tiau-hô i ê chiú, Ū pān i ê iān-toh.

³Chhe i ê lú-pī chhut-khì, ka-kī tī siāⁿ-lāi kék-koāiⁿ ê só-chāi teh kiò.

⁴Kóng, Kìⁿ-nā gōng-tít ê lāng, tiòh oat lâi chia; Koh ká bû-ti ê lāng kóng,

⁵Lín lâi, chiāh goá ê piáⁿ, Lim goá tiau-hô ê chiú.

⁶Lín khi-sak gū-gōng, chiū tit-tiòh oáh, Iā tiòh kiāⁿ kng-bêng ê lō.

⁷Kui-chèng bú-bān ê lāng, ka-kī chio lêng-jiók, Chek-pī pháiⁿ-lāng--ê, ka-kī chhú kiàn-siāu.

⁸M̄-thang chek-pī bú-bān ê lāng, kiaⁿ-liáu i oàn-hūn lí; Tiòh chek-pī tì-hūi ê lāng, i beh thiàⁿ lí.

⁹Kà-sī tì-hūi ê lāng, i chiū it-hoat ū tì-hūi, Chí-sī gī-lāng, i chiū ke-thiⁿ hák-būn.

¹⁰Kèng-ùi Iā-hô-hoa sī tì-hūi ê kun-pún, Bat hit-ūi Sèng-ê, chiū-sī chhang-miā.

¹¹In-ūi tui goá, lí ê jít-chí beh khah-choē, Lí ê nī-hè iā ná beh ke-thiⁿ.

¹²Lí nā choē tì-hūi, chiū-sī ūi-tiòh pún-sin choē tì-hūi; Lí nā bú-bān, chiū beh ka-kī tam-tng.

¹³Gū-gōng ê hū-jîn-lāng gâu jióng; I sī gōng-tít, m̄-bat poàⁿ-hāng.

¹⁴I chē tī i ka-kī ê m̄ng-kháu, Chē tī siāⁿ-lāi koāiⁿ-toē ê chō-ūi.

¹⁵Ài kiò kè-lō ê lāng, Chiū-sī tít-tít kiāⁿ in ê lō ê lāng,

¹⁶Kóng, Kìⁿ-nā gōng-tít ê lāng tiòh oat lâi chia; Koh ká bû-ti ê lāng kóng,

¹⁷Thau-iúⁿ-lâi ê chúi sī tīⁿ--ê; Thau-chiāh ê piáⁿ sī ū chu-bī-ê.

¹⁸Chóng-sī hit-hō lāng m̄-chai tī i hia--ê sī im-hún; I ê lāng-kheh tī im-hú chhim ê só-chāi.

10 Só-lô-būn ê chim-giân. Tì-hūi ê kiáⁿ hō lāu-pē hoaⁿ-hí; Gū-gōng ê kiáⁿ hō lāu-bú iu-būn.

²Put-gī ê chíⁿ lóng bô lī-ek; Chú-ū kong-gī oē kiù lāng thoat-lī sí-bô.

³Iā-hô-hoa bô hō gī-lāng tú-tiòh iau-gō; Pháiⁿ-lāng só him-bō--ê, I bô hō i chiāⁿ.

⁴Chhiú pîn-toāⁿ-ê, beh tú-tiòh sòng-hiong; Chhiú kut-lát-ê, beh tit-tiòh hó-giāh.

⁵Hē-thiⁿ chek-chū-ê, sī tì-hūi ê kiáⁿ; Siu-koah ê sī ài-khùn--ê, sī siā-pāi ê kiáⁿ.

⁶Hok-khì līm-kàu gī-lāng ê thau-khak; Kiông-pō jia-iám pháiⁿ-lāng ê chhùi.

⁷Gī-lāng ê kì-liām siū o-ló; Pháiⁿ-lāng ê miā tek-khak chhàu.

⁸Sim-lāi tì-hūi-ê, beh thiaⁿ-siū bēng-lēng, Chhùi kóng gōng-oē-ê, beh sit-pāi.

⁹Kiāⁿ cheng-tít lō--ê, kiāⁿ-tāh an-ún; Thàn oan-khiau lō--ê, beh lō-hiān.

¹⁰Nih-bák hoē-ì-ê, hō lāng iu-būn; Chhùi kóng gōng-oē-ê, beh sit-pāi.

¹¹Gī-lāng ê chhùi sī oáh-miā ê chúi-choāⁿ; Kiông-pō jia-iám pháiⁿ-lāng ê chhùi.

¹²Oàn-hūn oē jiá-khí saⁿ-chiⁿ; Jîn-ài oē jia-khàm lóng-chóng ê kè-sit.

¹³Tī bēng-lí ê lâng chhùi-lāi chhē-tiōh tì-hūi; Bū-ti ê lâng ê ka-chiah ū koáiⁿ-á piān-piān.

¹⁴Tì-hūi ê lâng chek-chū kiàn-sek; Gōng-lâng ê chhùi beh khoài-khoài sit-pāi.

¹⁵Hó-giáh lâng ê chài-bút sī i kian-kò· ê siáⁿ; Sòng-hiong lâng ê khiàm-kheh sī i sit-pāi ê in-toaⁿ.

¹⁶Gī-lâng ê tiōh-boā tì-kàu oáh; Pháiⁿ-lâng só· thàn--ê, tì-kàu ū choē.

¹⁷Thiaⁿ-siū khoàn-kài--ê, sī kiáⁿ tī oáh-miā ê lō·; Khi-sak chek-pī--ê, chiū-sī kiáⁿ bê-lō·.

¹⁸Khng-bát i ê oàn-hūn--ê, chhùi kóng pēh-chhát; Húi-pòng lâng--ê, sī gōng-lâng.

¹⁹Kāu-oē ê lâng boē-bián ū kè-sit; Lok-sok chhùi-chih--ê, sī ū tì-hūi.

²⁰Gī-lâng ê chih, chhin-chhiūⁿ bûn-gûn; Pháiⁿ-lâng ê sim bô sim-mih kà-tit.

²¹Gī-lâng ê chhùi poē-ióng choē-choē lâng; Gōng-lâng in-ūi bū-ti lâi sí.

²²Iâ-hô-hoa ê sù-hok, hō· lâng hó-giáh; Iâ bô chham iu-bûn tī lâi-bīn.

²³Gū-gōng ê lâng liáh kiáⁿ-pháiⁿ choē kún-chhiò; Chóng-sī bēng-lí ê lâng liáh tì-hūi choē hoaⁿ-hí.

²⁴Pháiⁿ-lâng só· kiaⁿ--ê, beh līm-kàu i; Gī-lâng só· ài ê, beh tit-tiōh ún-chún.

²⁵Kōng-hong chit-ē kè, pháiⁿ-lâng kui tī bô; Gī-lâng sī éng-oán ê toē-ki.

²⁶Lâng chhe pîn-toāⁿ ê lâng, Sī chhin-chhiūⁿ chhùi-khí tú-tiōh chhò·, bák-chiu tú-tiōh hé-hun.

²⁷Kèng-ùi Iâ-hô-hoa, chiū ke-thiⁿ jīt-chí; Chóng-sī pháiⁿ-lâng ê nî-hè beh kiám-chió.

²⁸Gī-lâng ê òng-bāng sī hoaⁿ-hí; Pháiⁿ-lâng ê him-bō· sī khang-khang.

²⁹Iâ-hô-hoa ê lō· tui-tī cheng-tit ê lâng choē oē-só·; Tui-tī kiáⁿ-pháiⁿ ê lâng choē húi-biát.

³⁰Gī-lâng éng-oán bô î-soá; Pháiⁿ-lâng boē tit-tiōh khiā-khí tī toē-chiūⁿ.

³¹Gī-lâng ê chhùi siⁿ-chhut tì-hūi; Koāi-biū ê chih beh siū koah-tng.

³²Gī-lâng ê chhùi-tùn chai thang hō· lâng hoaⁿ-hí; Pháiⁿ-lâng ê chhùi kóng koāi-biū ê oē.

11 Khúi-chà ê thian-phêng sī Iâ-hô-hoa só· iām-òⁿ; Kong-pêng ê tô-chí sī I só· hoaⁿ-hí.

²Kiau-ngō· lâi, kiàn-siàu iáh lâi; Chóng-sī thî-hūi sī kap khiam-pi ê lâng saⁿ-kap tī-teh.

³Cheng-tit ê lâng, i ê chin-sit beh ín-chhoā i; Kan-chà ê lâng, i ê koāi-phiah beh pāi-hoāi i.

⁴Toā siū-khì ê jīt, chíⁿ-chài bô lī-ek; Chí-ū kong-gī oē kiù lâng thoat-lī sí-bô.

⁵Oân-choân ê lâng ê gī beh phor-piⁿ i ê lō·; Tók-tók pháiⁿ-lâng beh in-ūi i ê pháiⁿ poáh-tó.

⁶Cheng-tit ê lâng ê gī beh chín-kiù i; Kan-chá ê lâng beh hō· in ê pháiⁿ liáh-tiōh.

⁷Pháiⁿ-lâng chit-ē sí, i ê òng-bāng beh bô-khì; Choē-jîn só· him-bō·-ê, iâ bô-khì.

⁸Gī-lâng tit-tiōh thoat-lī hoân-lân; Ū pháiⁿ-lâng choē i ê thoē-sin.

⁹Bô keng-khiân ê lâng eng chhùi hāi chhù-piⁿ; Tók-tók gī-lâng tui chai-bat tit-tiōh kiù.

¹⁰Gī-lâng heng-thong, thong-siáⁿ hoaⁿ-hí; Pháiⁿ-lâng biát-bô, lâng lóng chhut hoaⁿ-hí ê siaⁿ.

¹¹Siáⁿ in-ūi cheng-tit ê lâng ê chiok-hok chiū heng-khí; Chóng-sī in-ūi pháiⁿ-lâng ê chhùi chiū chia-tó.

¹²Biáu-sī chhù-piⁿ--ê, sī bū-ti ê lâng; Chóng-sī bēng-lí ê lâng cheng-cheng bô choē-siaⁿ.

¹³Sì-koè kiâⁿ, kóng lāng ê tng-té, lâu-siat pì-bít ê sū; Sim sêng-sít ê lāng khng-bát tãi-chì.

¹⁴Bô tì-hùi ê chí-tō, peh-sìⁿ chiū sit-pāi; Bô-sū choē, chiū tit-tiōh an-ún.

¹⁵Kā siⁿ-hūn lāng choè pó-jīn, beh toā siū khek-khui; M-ài kā lāng tah-èng--ê, chiū tit-tiōh an-ún.

¹⁶Hó tek-hēng ê hū-jīn-lāng tit-tiōh miā-siaⁿ; Kiōng-béng ê ta-po-lāng tit-tiōh chíⁿ-chài.

¹⁷Jīn-chū ê lāng lī-ek ka-kī ê sìⁿ-miā; Chān-jím ê lāng hāi ka-kī ê seng-khu.

¹⁸Pháiⁿ-lāng keng-ēng, tit-tiōh hu-ké ê kang-chíⁿ; Iā gī ê chéng-chí--ê, tit-tiōh sít-chài ê hāu-kó.

¹⁹Tng-tng kiāⁿ-gī--ê, beh tit-tiōh oáh; Tui-jip pháiⁿ-tāi--ê, beh tì-kàu sí;

²⁰Sim-lāi koāi-phiah--ê, sī Iā-hô-hoa só· iām-òⁿ; Kiāⁿ tãi-chì oân-choân--ê, sī I só· hoaⁿ-hí.

²¹Pháiⁿ-lāng chhiú khan chhiú, tek-khak boē bián siū hēng-hoát; Gī-lāng ê hō·-è beh tit-tiōh chín-kiù.

²²Hū-jīn-lāng súi, iā bô bēng-lí, Chhin-chhiūⁿ kim-khoân koà tī ti ê phīⁿ.

²³Gī-lāng só· ì-ài--ê, lóng sī hó; Pháiⁿ-lāng só· òng-bāng--ê, kiát-kiók sī siū-khì.

²⁴Ū lāng ná thēh-chhut, chiū ná ke-thiⁿ; Ū lāng kian-līm, chiū hoán-túg sòng-hiong.

²⁵Ài siá-sì--ê, beh tit-tiōh hong-sēng; Lūn-ték lāng-ê, beh tit-tiōh lūn-ték.

²⁶Tún gō·kak m̄ thiò--ê, peh-sìⁿ beh chiù-chó· i; Kam-goān thiò-chhut--ê, beh tit-tiōh chiok-hok.

²⁷Chhut-lát choè hó-ê, beh tit-tiōh un-hūi; Choan-bū hāi lāng-ê, hāi beh kàu i ê seng-khu.

²⁸Oá-khò ka-kī ê chíⁿ-chài--ê, beh poáh-tó; Gī-lāng beh heng-ōng, chhin-chhiūⁿ chhiⁿ-chhiū ê chhiū-hiōh.

²⁹Kiáu-jíáu ka-kī ê ke--ê, só· chiap-siū--ê sī hong; Gū-gōng ê lāng beh choè sim-lāi tì-hūi ê lāng ê lô·-pók.

³⁰Gī-lāng só· kiát ê ké-chí sī oáh-miā ê chhiū; Tì-hūi ê lāng tit-tiōh lāng ê lēng-hūn.

³¹Khoàⁿ ah, gī-lāng tī sè-kan siū pò-èng; Hô-hòng pháiⁿ-lāng kap ū-choē ê lāng ah?

12 Hoaⁿ-hí siū kàu-tok--ê, chiū-sī hoaⁿ-hí chai-bat; Oân-hūn chek-pī--ê, chiū-sī cheng-siⁿ.

²Hó-lāng beh tit-tiōh Iā-hô-hoa ê un-hūi; Siat khú-kè ê lāng, I beh tēng i ê choē.

³Lāng boē-oē tui pháiⁿ lāi kiàn-líp; Gī-lāng ê kun-pún éng boē iō-tāng.

⁴Chài-tek ê hū-jīn-lāng sī tiōng-hu ê bián-liú; Siá-pāi ê hū-jīn-lāng hō· tiōng-hu chhin-chhiūⁿ kut hiú-noā.

⁵Gī-lāng ê liām-thâu sī kong-pēng; Pháiⁿ-lāng ê kè-bô· sī khú-chà.

⁶Pháiⁿ-lāng ê oē sī tng-tán beh hāi lāng; Chèng-tít ê lāng ê chhiū, beh kiù i.

⁷Pháiⁿ-lāng tó-hoāi kui tī bô; Gī-lāng ê ke beh khiā-chài.

⁸Lāng beh chiàu i ê tì-hūi tit-tiōh o-ló; Sim-lāi koāi-biū--ê, beh siū biáu-sī.

⁹Siū lāng khoàⁿ-khin--ê, iáu-kú ū lô·-pók ê, Khah-iāⁿ ka-kī chun-toā, iā khiām-kheh bí-niū ê.

¹⁰Gī-lāng koan-sim i ê cheng-siⁿ ê oáh-miā; Pháiⁿ-lāng ê lín-bín iā sī chān-jím.

¹¹Chèng-choh i ê chhân-hng ê, beh ū bí-niū kàu-giáh, Kau-poē bô hē-lòh ê lāng sī bū-ti.

¹²Pháiⁿ-lāng him-bô· put-gī ê lāng ê lô·bāng; Gī-lāng ê kun-thâu siⁿ-chhut ké-chí.

¹³Chhùi-tûn ê kè-sit sī pháiⁿ ê lô-băng; Tók-tók gĩ-lâng beh thoat-lĩ hoãn-lân.

¹⁴Lâng in-ûi chhùi só· kiat ê ké-chí beh tit-tiòh hok-khì moá-moá; Lâng chiàu i ê chhiú só· choè--ê, beh tit-tiòh pò-èng.

¹⁵Gōng-lâng khoàⁿ ka-kī ê lō· choè cheng-tit; Tók-tók tì-hūi ê lâng thiaⁿ lâng khó· khng.

¹⁶Gōng-lâng ê m̄-goān liām-piⁿ hián-chhut; Thong-tát ê lâng khng-bát kiàn-siàu.

¹⁷Kóng sit-oē--ê, hián-bêng kong-gĩ; Lām-sám kan-cheng--ê, hián-chhut khui-khiat.

¹⁸Kóng-oē sò-seng--ê, chhin-chhiūⁿ to ê chhak-lâng; Tì-hūi ê lâng ê chih oē i-hó lâng.

¹⁹Seng-sit ê chhùi éng-oán kian-kò·; Peh-chhat ê chih put-kò tiap-á-kú.

²⁰Tô·bô· pháiⁿ-tāi--ê, sim chûn khui-chà; Khng lâng hô-hó--ê, beh tit-tiòh hoaⁿ-hí.

²¹Gĩ-lâng bô tú-tiòh chai-hāi; Pháiⁿ-lâng tú-tiòh chai-hō moá-moá.

²²Peh-chhat ê chhùi-tûn sī Iâ-hô-hoa só· iām-òⁿ; Kiáⁿ tãi-chì seng-sit--ê, sī I só· hoaⁿ-hí.

²³Thong-tát ê lâng ún-khng chai-bat; Gōng-lâng ê sim hián-chhut gũ-gōng;

²⁴Un-khûn ê lâng i ê chhiú beh chiáng-koân; Pîn-toāⁿ ê lâng beh choè lâng ê khó· kang.

²⁵Lâng ê sim khoà-lū, hō· i loé-chì; Chit-kù hó-oē, hō· i hoaⁿ-hí.

²⁶Gĩ-lâng ín-chhoā i ê chhù-piⁿ; Pháiⁿ-lâng ê lō· hō· lâng sit-bê.

²⁷Pîn-toāⁿ ê lâng bô pek phah-láh só· tit-tiòh--ê; Un-khûn ê lâng tit-tiòh lâng pó-kùi ê chài-bút.

²⁸Tī kong-gĩ ê lō· ū oáh-miā; I ê lō·-keng pēng bô sí-bô.

13 Tì-hūi ê kiáⁿ thiaⁿ lāu-pē ê kàu-tok; Bú-bān ê lâng m̄-thiaⁿ chek-pī.

²Lâng in-ûi chhùi só· kiat ê ké-chí beh hióng-siū hok-khì; Kan-chà ê lâng beh tú-tiòh không-pō.

³Iok-sok chhùi-chih--ê, pó-choân i ê oáh-miā; Sui-piān khui-chhùi--ê, tì-kàu pāi-bô.

⁴Pîn-toāⁿ lâng ê sim him-bō·, iā bô só· tit-tiòh; Un-khûn ê lâng beh tit-tiòh sim-moá ì-chiok.

⁵Gĩ-lâng iām-chiān pēh-chhat oē; Pháiⁿ-lâng ū chhàu-miā koh kiàn-siàu.

⁶Kong-gĩ pó-hō· kiáⁿ cheng-tit--ê; Siā-ok pāi-hoāi hoãn-choē ê lâng.

⁷Ū lâng ka-kī chng-choē hó-giáh, iā bô poāⁿ-hāng; Ū lâng ka-kī chng-choē sòng-hiong, sit-chāi ū choē-choē chài-bút.

⁸Lâng ê chíⁿ-chài thang siók-hoē i ê oáh-miā; Nā-sī sòng-hiong lâng bô thiaⁿ lâng ê háng-hoah.

⁹Gĩ-lâng ê kng beh bêng-liāng; Pháiⁿ-lâng ê teng beh sit.

¹⁰Kiau-ngō· kan-ta khí saⁿ-chiⁿ; Saⁿ-kap chham-siōng--ê, chiū ū tì-hūi.

¹¹M̄-sī tui tiòh-boā lāi tit-tiòh ê chíⁿ oē siau-bô; Lâu-koāⁿ lāi chek-chū--ê, beh ná ke-thiⁿ.

¹²Só· òng-bāng--ê iân-chhiân kú, chiū tì-kàu sim thàng-thiàⁿ; Só· ì-ài--ê chit-ē kàu, chiū-sī oáh-miā ê chhiū.

¹³Biáu-sī tō-lí ê, ka-kī chhú biat-bô; Keng-ùi kài-bēng ê beh tit-tiòh pò-siúⁿ.

¹⁴Tì-hūi ê lâng ê hoat-tō· sī oáh-miā ê chú-choāⁿ, Oē hō· lâng lĩ-khui sí-bô ê lô-bāng.

¹⁵Siān-liōng ê chhang-miā hō· lâng tit-tiòh un-tián; Kan-chà ê lâng ê lō· sī khâm-khiat.

¹⁶Thong-tát ê lâng lóng ēng tì-hūi kiáⁿ tãi-chì; Tók-tók gōng-lâng pò-iōng gōng-sū.

¹⁷Pháiⁿ ê sù-chiá hām-lòh tī chai-ê; Tiong-sìn ê khim-chhe oē hō· lāng khong-kiān.

¹⁸Khì-choát kàu-tok--ê, beh tú-tiòh sòng-hiong kap lêng-jiók; Goān siū chek-pī--ê, beh tit-tiòh êng-kng.

¹⁹Só·-ài-ê tit-tiòh chiāⁿ, sim chiū hoaⁿ-hí; Lī-khui pháiⁿ-tāi sī gōng-lāng só· iām-ò.ⁿ

²⁰Kap tì-hūi ê lāng saⁿ-kap kiāⁿ oē chiāⁿ-choè tì-hūi; Kap gū-gōng ê lāng choè-phoāⁿ oē siū sún-siong.

²¹Chai-ê beh tui-jip pháiⁿ-lāng; Nā-sī gī ê lāng beh tit-tiòh pò-siúⁿ.

²²Hó-lāng lâu sán-giáp hō· kiáⁿ-sun; Pháiⁿ-lāng só· chek-chū ê chiⁿ-chài kui tī gī-lāng.

²³Sòng-hiong lāng cheng-choh tit-tiòh choē-choē bí-niū; Iā ū in-ūi put-gī lâi tú-tiòh biát-bô--ê.

²⁴M-kam ēng chhê ê sī oàn-hūn i ê kiáⁿ; Nā-sī thiàⁿ-i--ê, chiū chiàu-sī chek-tok i.

²⁵Gī-lāng tit-tiòh chiāh hō· i ê sim moá-chiok; Pháiⁿ-lāng ê pak-tó· tek-khak iau.

14 Tì-hūi ê hū-jîn-lāng ták-ê kiàn-lip i ê ke; Gōng ê hū-jîn-lāng chhin-chhiú húi i.

²Chiàu cheng-tit lâi kiāⁿ ê lāng keng-ùi Iā-hô-hoa; Tók-tók kiāⁿ tãi-chì hêng-gék-ê sī biáu-sī I.

³Gōng-lāng ê chhui-lāi ū kiau-ngō· ê koáiⁿ; Tók-tók tì-hūi ê lāng ê chhui-tūn beh pó-sioh pún-sin.

⁴Ke nā bô gū, gū-tiâu chiū khang-khang; Thó·-sán choē-choē sī tui-tī gū ê lát.

⁵Chin-sít ê kan-cheng bô kóng pèh-chhát; Ké ê kan-cheng kóng pèh-chhát oē.

⁶Bú-bān ê lāng chhê tì-hūi, iā chhê-bô-tiòh; Chhong-bêng ê lāng khoài-khoài tit-tiòh chai-bat.

⁷Kiāⁿ kàu gōng-lāng ê bīn-chêng, Chiū oē khoàⁿ-kīⁿ i ê chhui-tūn bô tì-sek.

⁸Thong-tát ê lāng ê tì-hūi chāi-tī bêng-pék i ê lō·; Goān-lāng ê gōng chiū-sī khúi-chà.

⁹Gōng-lāng liáh hoān-choē choē kún-chhiò; Cheng-tit ê lāng ê tiong-kan ū hô-pêng.

¹⁰Sim oē chai ka-kī ê kan-khó·; Goā-lāng bô hūn i ê hoaⁿ-hí.

¹¹Pháiⁿ-lāng ê chhui beh tó-hoai; Cheng-tit ê lāng ê pò·-pīⁿ beh heng-ōng.

¹²Ū chit tiâu lō·, lāng khoàⁿ-choē cheng-tit; Kàu-bé chiāⁿ-choē sí-bô ê lō·.

¹³Lāng teh chhiò ê sī, sim iā ū iu-būn; Khoài-lók ê kiát-kiók pīⁿ-choē pi-siong.

¹⁴Sim poē-gék ê lāng beh tui i ê só·-kiāⁿ lâi moá-chiok; Hó-lāng iā beh tui i pún-sin lâi moá-chiok.

¹⁵Gōng-tit ê lāng bô chit-kù-oē m̄-sin; Thong-tát ê lāng ták-pō· kín-sin.

¹⁶Tì-hūi ê lāng kiaⁿ-hiāⁿ, koh lī-khui pháiⁿ-tāi; Gōng ê lāng hòng-sù, ka-kī óa-khò.

¹⁷Khoài siū-khì--ê, kiāⁿ tãi-chì gū-gōng; Kè-bô· pháiⁿ--ê, beh tú-tiòh oàn-hūn.

¹⁸Gōng-tit ê lāng sêng-chiap gū-gōng choē-giáp; Thong-tát ê lāng tit-tiòh chai-bat choē bián-liū.

¹⁹Pháiⁿ-lāng phak tī hó-lāng ê bīn-chêng; Choē-jîn phak tī gī-lāng ê m̄ng-kháu.

²⁰Sòng-hiong lāng lián chhui-pīⁿ iā oàn-hūn i; Hó-giáh lāng pêng-iú chin-choē.

²¹Khoàⁿ-khin chhui-pīⁿ ê, chit-hō lāng ū choē; Lín-bín sòng-hiong ê, hit-hō lāng ū hok-khì.

²²Kè-bô· pháiⁿ ê, kiám bô jip bē-lō· mah? Kè-bô· hó ê, beh tit-tiòh lín-bín kap sêng-sit.

²³Pah-poaⁿ ê tiòh-boā lóng ū lī-ek; Chhui-tūn kóng choē-choē oē chiū tì-kàu sòng-hiong.

²⁴Tì-hūi ê lāng ê chiⁿ-chài choē in ê bián-liū; Gōng-lāng ê gōng kàu-bé sī gōng.

²⁵Chin-sít ê kan-chèng kiù lāng ê sîⁿ-miā;
Kóng pèh-chhát ê, sī khúí-chà.

²⁶Kèng-ùì Iâ-hô-hoa ū kian-kò· ê oá-khò; I
ê kiáⁿ-jī ū tô-siám ê só·-chāi.

²⁷Kèng-ùì Iâ-hô-hoa chiū-sī oáh-miā ê chui-
choáⁿ, Oē hō· lāng lī-khui sí-bô ê lô-bāng.

²⁸Kok-ông ê êng-kng chāi-tī peh-sìⁿ ê choē;
Jîn-kun soe-pāi chāi-tī peh-sìⁿ ê chió.

²⁹Bô khoài-khoài siū-khì-ê, toā-toā ū
chhang-miā; Sò-sèng-ê toā hián-chhut gū-
gōng.

³⁰Sim-lāi an-chēng sī jiók-thé ê oáh-miā;
Oàn-tò· sī kut-lāi ê hiú-noā.

³¹Khek-pók sòng-hiong-ê, sī siat-tók
chhòng-chō i ê Chú; Lín-bín khiàm-khek-ê,
sī chun-kèng Chú.

³²Pháiⁿ-lāng tī i só· kiáⁿ ê pháiⁿ beh tú-tiòh
chhia-tó; Gī-lāng kàu sí ū òng-bāng.

³³Tì-hūi an-jiân tiàm tī chhang-miā ê lāng
ê sim; Gōng-lāng ê pak-lāi beh lô·-hiān.

³⁴Kong-gī hō· pang-kok seng-koáiⁿ; Kìⁿ-ū
choē-ok ê peh-sìⁿ siū lêng-jiók.

³⁵Ēng tì-hūi kiáⁿ tãi-chì ê chhe-ēng tit-tiòh
ông ê un-hūi; Tók-tók siá-pāi-ê, oē tú-tiòh i
siū-khì.

15 Un-hô ê ìn-tap oē hō· siū-khì soah;
Kóng-oē sò-pō oē kek-khí siū-khì.

²Tì-hūi ê lāng ê chhì gâu kóng chai-bat;
Gōng-lāng ê chhui thò·-chhut gū-gōng.

³Iâ-hô-hoa ê bák-chiu ták só·-chāi tī-teh;
Hó-pháiⁿ lóng teh kàm-chhat.

⁴Sûn-liông ê chhì sī oáh-miā ê chhiū; Nā ū
koái-biū--ê, chiū oē sún-siong sim-sîn.

⁵Gōng-lāng khoàⁿ-khin lāu-pē ê kàu-tok;
Goān siū chek-pī-ê, tit-tiòh kiàn-sek.

⁶Gī-lāng ê chhui-lāi ū choē-choē chāi-pó;
Pháiⁿ-lāng sò-thàn--ê, sī choè i ê hām-hāi.

⁷Tì-hūi ê lāng ê chhui-tún pò-iông chai-bat;
Gōng-lāng ê sim lóng bô án-ni.

⁸Pháiⁿ-lāng hián-chè sī Iâ-hô-hoa só· iàm-
òⁿ; Chèng-tit ê lāng kī-tó sī I só· hoaⁿ-hí.

⁹Pháiⁿ-lāng ê lô· sī Iâ-hô-hoa só· iàm-òⁿ;
Tók-tók tui-jip kong-gī-ê, chiū tit I thiàⁿ.

¹⁰Pàng-sak chiàⁿ-lō·-ê, beh siū tâng-tâng ê
chek-hoát; Oàn-hūn chek-pī-ê, beh tì-kàu sí-
bô.

¹¹Im-hú kap Biát-bô lóng tī Iâ-hô-hoa ê
bák-chiu-chèng; Hô-hòng sè-kan lāng ê sim
ah?

¹²Bú-bān ê lāng m̄-ài siū chek-pī, Iā bô beh
chiū-kūn tì-hūi ê lāng.

¹³Khoài-lók ê sim oē hō· bīn chhiò-chhiò;
Sim nā iu-būn, oē sún-siong sim-sîn.

¹⁴Chhang-miā ê lāng ê sim chhē chai-bat;
Gōng-lāng ê chhui it-bī hò·ⁿ gū-gōng.

¹⁵Khùn-khó· ê lāng ê jīt-chí lóng ū chai-ē;
Sim khoài-lók ê lāng iân-siáh bô tng.

¹⁶Hó-giáh iā ū khoà-lū; M̄-tát-tiòh sòng-
hiong lāi kèng-ùì Iâ-hô-hoa.

¹⁷Chiah chhai-soe, tãi-ke saⁿ-thiàⁿ, Iâ-kè
chiah pui ê gū-á, tãi-ke saⁿ oàn-hūn.

¹⁸Pháiⁿ sèng-tē ê lāng jiá-khí oan-ke; Bô
khoài-khoài siū-khì ê lāng oē hō· saⁿ-chiⁿ
soah.

¹⁹Pìn-toāⁿ ê lāng ê lô· sī chhin-chhiūⁿ chhi-
phè ê lī-pa; Chèng-tit ê lāng ê lô· chiáⁿ-choè
toā-lō·.

²⁰Tì-hūi ê kiáⁿ hō· lāu-pē hoaⁿ-hí; Gōng-
lāng khoàⁿ-khin i ê lāu-bú.

²¹Bū-ti ê lāng liáh gū-gōng choè hoaⁿ-hí;
Bêng-lí ê lāng chiàu cheng-tit lāi kiáⁿ.

²²Bô saⁿ-kap chham-siông, só· kè-bô· oē sit-
pāi; Bô·sū choē-choē, só· kè-bô· oē chiáⁿ.

²³Lāng ê chhui ìn-tap háp-gī, chiū oē hoaⁿ-
hí; Háp-sī ê oē hó kàu cháiⁿ-iūⁿ!

²⁴Tì-hūi ê lāng ū oáh-miā ê lō· lāi chiūⁿ-khì, Tit-tiòh lī-khui tī ē-toé ê im-hú.

²⁵Iâ-hô-hoa beh thiah-húi kiau-ngō· ê lāng ê chhù, Beh an-tiāⁿ koáⁿ-hū ê toē-kài.

²⁶Pháiⁿ ê kè-bō· sī Iâ-hô-hoa só· iàm-òⁿ; Nā-sī hó ê oē sī chheng-kiat.

²⁷Tham-châi-ê, hām-hāi ka-kī ê ke, Oàn-hūn pò·lō· ê, tit-tiòh oáh.

²⁸Gī-lāng ê sim siūⁿ-liáu chiaⁿ in; Pháiⁿ-lāng ê chhùi thó·-chhut pháiⁿ-tāi.

²⁹Iâ-hô-hoa lī-khui pháiⁿ-lāng hng-hng; Chóng-sī I thiaⁿ gī-lāng ê kī-tó.

³⁰Bák-chiu ê kng-bêng hō· sim hoaⁿ-hí; Hó siau-sit oē lūn-ték kut.

³¹Thiaⁿ-thàn oáh-miā ê chek-pī ê, Beh khiā-khí tī tì-hūi ê lāng ê tiong-kan.

³²M̄ thiaⁿ keng-kài-ê, sī khoàⁿ-khin ka-kī; Chóng-sī thiaⁿ-thàn chek-pī-ê, chiū tit-tiòh kiàn-sek.

³³Kèng-ùì Iâ-hô-hoa sī tì-hūi ê kà-sī; Khiam-pi chiū-sī êng-kng ê tãi-seng.

16 Sim ê kè-bō· chāi-tī lāng, Chhì ê in-tap sī tùi Iâ-hô-hoa.

²Lāng it-chhè ê só· kiāⁿ ka-kī khoàⁿ-choè chheng-khì, Tók-tók Iâ-hô-hoa chhek-tók lāng ê sim.

³Lí só·-choè ê lóng tiòh kau-thok Iâ-hô-hoa; Lí só· kè-bō· ê chiū oē ún-tàng.

⁴Iâ-hô-hoa só· chō-ê lóng háp i ê lō·-êng; Liân pháiⁿ-lāng iā háp tī chai-ê ê jít.

⁵Kìⁿ-nā sim kiau-ngō·-ê sī Iâ-hô-hoa só· iàm-òⁿ, Sui-jiân chhiú khan chhiú iā boē bián siū hêng-hoát.

⁶Tùi lín-bín kap sêng-sít, choē-koà tit-tiòh siók-hoē; Tùi kèng-ùì Iâ-hô-hoa chiū lī-khui pháiⁿ-tāi.

⁷Lāng ê só·-kiāⁿ nā hō· Iâ-hô-hoa hoaⁿ-hí, Liân i ê tùi-ték Iâ-hô-hoa iā hō· in kap i hô.

⁸Choē-choē chíⁿ iā put-gī, M̄-tát-tiòh chió-chió chíⁿ koh ū kong-gī.

⁹Lāng ê sim kè-ék i ê lō·, Tók-tók Iâ-hô-hoa tiāⁿ-tiòh i ê kha-pō·.

¹⁰Ông ê chhùi-lāi ū sîn ê oē, Sím-phoàⁿ ê sī i ê chhùi chiū bô chha-chhok.

¹¹Kong-tō ê thian-phêng kap chhìn, lóng siók Iâ-hô-hoa, Tē-á-lāi it-chhè ê tô-chí lóng sī I só· tiāⁿ-tiòh.

¹²Choē-pháiⁿ sī ông só· iàm-òⁿ, In-ūi chō-ūi sī tùi kong-gī lāi kian-kò·.

¹³Kong-gī ê chhùi-tún sī ông só· hoaⁿ-hí, Kóng-oē cheng-tít-ê sī ông só· thiàⁿ.

¹⁴Ông ê toā siū-khì chhìn-chhiūⁿ hō· lāng sī ê sù-chiá, Tók-tók tì-hūi ê lāng oē hō· i soah.

¹⁵Ông ê bīn-sek ê kng hō· lāng ū oáh-miā, Ông ê un-tián chhìn-chhiūⁿ chhun-hō· ê hūn.

¹⁶Tit-tiòh tì-hūi pí tit-tiòh kim ke joā-hó; Kéng-tiòh chhang-miā pí tit-tiòh gūn iáu khah-hó.

¹⁷Cheng-tít ê lāng ê toā-lō· sī lī-khui pháiⁿ; Kín-sīn siú i ê lō· ê, sī pó-choân i ê sīⁿ-miā.

¹⁸Kiau-ngō· sī sit-pāi ê tãi-seng; Chū-ko ê sim chiū-sī poáh-tó ê tãi-seng.

¹⁹Sim khiam-pi kap sòng-hiong lāng saⁿ-kap toà, Iāⁿ-kè kap kiau-ngō· ê lāng saⁿ-kap pun só· chhiúⁿ ê mih.

²⁰Tì-ì tī tō-lí-ê beh tit-tiòh lī-ek, Oá-khò Iâ-hô-hoa ê ū hok-khì.

²¹Sim tì-hūi-ê chheng-choè thong-tát; Hó káu-châi oē ke-thiⁿ lāng ê hák-būn.

²²Lāng ū bêng-lí chiū ū oáh-miā ê chúi-choân; Gōng-lāng ê chek-hoát chiū-sī i ê gōng.

²³Tì-hūi ê lāng ê sim kà-sī i ê chhùi; Koh ká i ê chhùi-tún ke-thiⁿ hák-būn.

²⁴Oán-choán ê oē chhìn-chhiūⁿ bit-pô·; Sim chai tìⁿ hō· kut sóng-khoài.

²⁵Ū chít tiâu lô· lāng khoàⁿ-choè cheng-tít;
Kàu-bé chiaⁿ-choè sí-bô ê lô·.

²⁶Pak-tó· iau sī bián-lē choè-kang ê lāng
choè-kang; In-ūi i ê khó·-hok pek i.

²⁷Bô lô·-ēng ê lāng tô·-bô· sún-hāi; I ê
chhùi-tún chhin-chhiūⁿ ū hé teh sio.

²⁸Koāi-phiah ê lāng sì-koè khí saⁿ-chiⁿ, Oh-
oē ê lāng hō· chhin-bít ê pēng-iú lēng-tām.

²⁹Kiông-pō ê lāng ín-iú chhù-piⁿ, Chhoā i
kiāⁿ m̄-hó ê lô·.

³⁰Bák-chiū pàng-khoeh teh tô·-bô· koāi-
phiah, Chhùi-tún háp-oá lâi chiaⁿ hit ê pháiⁿ-
sū.

³¹Pêh-thâu-m̄ng sī súi ê bián-liū, Tī gī ê lô·
oē chhē-tiōh.

³²Bô khoài-khoài siū-khì iāⁿ-kè íong-sū,
Koán-hat ka-kī ê sim-ê iāⁿ-kè chhú-tiōh siāⁿ
ê.

³³Liam-khau chāi-tī lāng, Tiāⁿ-tiōh tãi-chì
lóng tùl Iā-hô-hoa.

17 Iān-siáh moá-chhù iā ū saⁿ-chiⁿ, M̄-
tát-tiōh chít-tè-á piáⁿ-koaⁿ koh ū an-chēng.

²Lô·-pók gâu pān tãi-chì beh koán-hat sià-
pāi ê kiáⁿ; Koh tī hiaⁿ-tī ê tiong-kan saⁿ-kap
pun ke-hé.

³Khe-á sī beh thoàn-liān gūn, lô· sī beh
thoàn-liān kim; Tók-tók Iā-hô-hoa thoàn-liān
lāng ê sim.

⁴Kiāⁿ-pháiⁿ-ê liū-sim thiaⁿ kan-chà ê oē,
Kóng pêh-chhát-ê chù-i thiaⁿ siā-ok ê giân-
gú.

⁵Thí-chhiò sòng-hiong lāng-ê sī lēng-jiók
chhòng-chō i ê Chú; Hoaⁿ-hí lāng tú-tiōh
chai-ē ê boē bián-tit siū hēng-hoát.

⁶Kiáⁿ-sun sī lāu-lāng ê bián-liū, Lāu-pē sī
kiáⁿ-jī ê ēng-kng.

⁷Gōng-lāng kóng toā-oē sī bô háp, Hô-hòng
ū tō-tek ê lāng kóng pêh-chhát ah.

⁸Pò·-lô· ê mih tī siū-tiōh ê lāng khoàⁿ-choè
pó-chiōh, Bô-lūn òng toh-lóh chít hong-bīn
lóng heng-thong.

⁹Jia-iám lāng ê kè-sit-ê sī it-tiōh jīm-ài, Tāi-
chì táuh-táuh liām ê, hō· chhin-bít ê pēng-iú
lēng-tām.

¹⁰Bēng-lí ê lāng chít-ē siū chek-pī chiū jip i
ê sim, Iāⁿ-kè phah gōng-lāng chít-pah-ē.

¹¹Pháiⁿ-lāng choan-bū hoán-poān, Sô·-í
beh chhe chân-jím ê sù-chiá khi kong-kek i.

¹²Lēng-khó· tú-tiōh sit-lóh kiáⁿ ê hīm-bú,
M̄-thang tú-tiōh gōng-lāng ê gū-tū ok.

¹³Ēng pháiⁿ pò hó ê, Chai-ē bô lī-khui i ê
ke.

¹⁴Saⁿ-chiⁿ ê khí-thâu chhin-chhiūⁿ chúi
phoà-khiah; Sô·-í tī kàu-nāu ê tãi-seng tiōh
hō· oan-ke soah.

¹⁵Gí-tiāⁿ pháiⁿ lāng choè-gī, tēng gī-lāng
choè ū-choē ê, Chí n̄ng hāng lóng sī Iā-hô-
hoa sô· iām-òⁿ.

¹⁶Gōng-lāng kì-jiān bô bēng-lí, Siáⁿ-sū ū
chīⁿ thêh tī chhiú--nih boé tì-hūi?

¹⁷Pēng-iú sí-siōng saⁿ chhin-ài, Hiaⁿ-tī ê
chhut-sì ūi-tiōh kiù hoān-lān.

¹⁸Tī chhù-piⁿ ê bīn-chēng tah-èng choè pó-
jīm, Hit-hō lāng chiū-sī gōng-lāng.

¹⁹Ài saⁿ-chiⁿ ê lāng sī ài hoān-choē; M̄ng-
hō· chhòng koāiⁿ ê lāng sī ka-kī chhú pāi-hoāi.

²⁰Sim koāi-phiah--ê bô thang chhē--tiōh
hok-khì; Chhì péng-lâi péng-khì-ê hām-lóh tī
hoān-lān.

²¹Sīⁿ gōng-kiáⁿ sī ka-kī ê iu-būn, Gōng-lāng
ê pē lóng bô thang hoaⁿ-hí.

²²Hoaⁿ-hí ê sim sī hó-ióh, Iu-siong ê sim-sin
hō· kut ko·-tā.

²³Pháiⁿ-lāng àm-chīⁿ siū pò·-lô·, Beh hō·
àn-kiāⁿ péng-lìn-túg.

²⁴Tì-hūi sī tī bēng-lí ê lāng ê bīn-chēng, Gōng-lāng ê bák-chiu khoàⁿ tī toē ê kék-thâu.

²⁵Gū-gōng ê kiáⁿ hō· lāu-pē hoān-ló, Hō· lāu-bú iu-khó·.

²⁶Hēng-hoat gī ê lāng sī m̄-hó, Phah péng-kong ê koaⁿ-hú iā-sī án-ni.

²⁷Giân-gú chió-ê ū tì-sek, Sèng-chēng hāi-chāi-ê ū chhang-miā.

²⁸Gōng ê lāng nā chēng-chēng iā sng choè tì-hūi; Chhùi-bát-ê iā sng-choè chhang-miā.

18 Ka-kī hun-piat-ê sī kiū i só· ì-ài, Koh thòng-hūn it-chhè chin ê tì-hūi.

²Gōng-lāng bô hoaⁿ-hí bēng-lí, Tók-tók ài hián-bēng i ê sim-ì.

³Pháiⁿ-lāng lāi, biáu-sī iā tè i lāi; Kiàn-siàu kàu, lēng-jiók kap i kàu.

⁴Lāng chhùi-lāi ê oē chhin-chhiūⁿ chhim ê chúi, Tì-hūi ê chúi-choāⁿ chhin-chhiūⁿ teh lāu ê khoe-chúi.

⁵Thé-thiap pháiⁿ-lāng ê chēng-biān, Phoàⁿ-toàn lāi oan-óng gī-lāng lóng sī m̄-hó.

⁶Gōng-lāng khui-chhùi chiū khí oan-ke, I ê chhùi sī kiò lāng phah.

⁷Gōng-lāng ê chhùi sī i ê pāi-bô, I ê chhùi-tūn sī i ê lēng-hūn ê lô-bāng.

⁸Óh-oē ê lāng ê giân-gú chhin-chhiūⁿ hó-chiáh ê mih, Chhim jip lāng ê pak-lāi.

⁹Choè-kang sng-hēng ê, Kap chân-hāi-ê choè hiaⁿ-tī.

¹⁰Iā-hô-hoa ê miā sī kian-kò· ê tãi, Gī ê lāng cháu--jip-khì, chiū tit-tiòh an-ún.

¹¹Hó-giáh lāng ê chái-bút sī i kian-kò· ê siáⁿ, Chiàu i phah-sng sī chhin-chhiūⁿ koāiⁿ ê chhiūⁿ.

¹²Pāi-hoāi ê tãi-seng lāng ê sim sī kiau-ngō·, Chun-kùi ê thâu-chēng sī khiam-pi.

¹³Bē thiaⁿ ê tãi-seng chiū ìn, Chiū-sī i ê gōng kap lēng-jiók.

¹⁴Lāng ê sim-sin oē jím-siū i ê pīⁿ-thiàⁿ; Sim-sin siū-siong, chí-chui oē tng-tit-khí ah?

¹⁵Chhong-bēng ê lāng ê sim tit-tiòh chai-bat, Tì-hūi lāng ê hī-khang kiū chai-bat.

¹⁶Lé-mih sī thoē lāng khui lô·, Chhoā i kàu tãi-jîn ê bīn-chēng.

¹⁷Tāi-seng piān-lūn-ê chhin-chhiūⁿ ū gī-lí, Tók-tók chhù-piⁿ lāi chiū cha-chhat i.

¹⁸Thiu-chhiam oē hō· oan-ke soah, Iā oē pāi-kái tī ū sè-lék ê lāng ê tiong-kan.

¹⁹Siū khék-khui ê hiaⁿ-tī beh tit-tiòh i koh hô, pí chhú kian-kò· ê siáⁿ khah-oh; Chit-hō ê saⁿ-chiⁿ chhin-chhiūⁿ iāⁿ-chē ê m̄ng-kōng.

²⁰Lāng kóng-oē ê hāu-kó oē hō· i ê pak-tó· chhiong-moá, I ê chhùi-tūn só· chhut ê, beh hō· i pá-chiok.

²¹Sīⁿ-sí ê koān chái-tī chhùi-chhih; Thiàⁿ-i--ê beh chiáh i ê ké-chí.

²²Tit-tiòh bó· ê chiū-sī tit-tiòh hok-khì, Iā sī tit-tiòh Iā-hô-hoa ê un-hūi.

²³Sòng-hiong lāng khún-chhiat lāi kiū, Hó-giáh lāng pháiⁿ siaⁿ-sàu lāi ìn.

²⁴Choē-choē pēng-iú ê, ka-kī chhú pāi-bô, Ū chit ê ti-kí-ê pí hiaⁿ-tī khah chhin.

19 Sòng-hiong lāi kiāⁿ chēng-tit ê, Iāⁿ-kè kóng koāi-biū koh gū-gōng ê.

²Sim bô chai-bat sī m̄-hó; Kha kín cháu ê, boē bián-tit hoān-choē.

³Lāng in-ūi gū-gōng lāi pāi-hoāi i ê lô·, I ê sim chiū khì-hiām Siōng-tè.

⁴Hó-giáh chiū ke-thiⁿ choē-choē pēng-iú, Sòng-hiong chiū pēng-iú kap i lī-piát.

⁵Lām-sám kan-chēng ê lāng boē bián-tit siū hēng-hoat; Kóng pēh-chhát boē-oē tô-thoat hēng-hoat.

⁶Toā-liōng ê lāng choē-choē lāng tui i kiū un; Sàng-mih-ê, lāng-lāng choè i ê pēng-iú.

⁷Sòng-hiong lāng i ê hiaⁿ-tī lóng oàn-hūn i, Hô-hòng i ê pêng-iú koh khah lī-khui i; Jip beh kap in kóng-oē, in í-keng bô tī-teh.

⁸Tit-tiòh tì-hūi ê, thiàⁿ-sioh i ê lêng-hūn, Pó-siú bêng-lí ê, beh tit-tiòh hok-khì.

⁹Lām-sám kan-chèng ê, boē bián-tit siū hêng-hoát; Kóng pèh-chhát ê, beh tú-tiòh biát-bô.

¹⁰Gōng-lāng híong-siū iàn-lók, sī bô háp-gi; Hô-hòng lô·pók koán-hat kùi-chók ah?

¹¹Lāng ū kiàn-sek chiū bô khoài-khoài siū-khì; Sià-bián lāng ê kè-sit chiū-sī i ê êng-kng.

¹²Ông ê toā siū-khì chhin-chhiūⁿ sai hām-hām-háu; I ê un-tián chhin-chhiūⁿ chháu-téng ê lô·chúi.

¹³Gōng ê kiáⁿ sī lāu-pē ê chai-ē; Bó· ê chháu-nāu chhin-chhiūⁿ hō·chúi chháu-h-chháu tih.

¹⁴Chhù-thèh chài-sán sī chó·kong só· lāu ê, Tók-tók gâu ê bó· sī Iâ-hô-hoa só· sù ê.

¹⁵Lán-tō hō· lāng khùn tâng-bîn, Pîn-toāⁿ ê lāng beh tú-tiòh iau-gō.

¹⁶Siú kài-bêng ê, sī siú lêng-hūn, Bô soè-jī i ê só· kiáⁿ ê, beh tì-kàu sí-bô.

¹⁷Lín-bín sòng-hiong lāng ê, chiū-sī chioh hō· Iâ-hô-hoa; I beh chiàu i só· kiáⁿ ê hó-sū lâi hêng i.

¹⁸Thàn iáu ū òng-bāng, tiòh kàu-tok lí ê kiáⁿ, Lí m̄-thang ū ì-sù beh hō· i sí.

¹⁹Toā siū-khì ê lāng tek-khak tiòh siū hêng-hoát, Lí nā kiù i tiòh koh ke chít pái.

²⁰Lí tiòh thiaⁿ khó·khèng siū kà-sī, Hō· lí kàu-bé ū tì-hūi.

²¹Lāng sim-lāi ū choē-choē kè-bô·, Tók-tók Iâ-hô-hoa ê chí-ì chiah oē ún-tàng.

²²Lāng só· ì-ài sī i jîn-chū ê liōng, Sòng-hiong lāng pí kóng pèh-chhát khah-hó.

²³Kèng-ùi Iâ-hô-hoa chiū oē tit-tiòh oah-miā; I beh an-ku pá-chiok bô tú-tiòh chai-ē.

²⁴Pîn-toāⁿ ê lāng chhun-chhiú tī poāⁿ--nih, Iā m̄-khéng thèh kàu chhùi.

²⁵Phah bú-bān ê lāng, gōng-tīt-ê beh chhi^m-ngō; Chek-pī bêng-lí ê lāng, i chiū khah chai-bat.

²⁶Pháiⁿ khoán-thāi lāu-pē kek-tiòk lāu-bú ê, Sī sià-pāi tì-kàu lêng-jiók ê kiáⁿ.

²⁷Goá ê kiáⁿ ah, lāng nā kà-sī lí khi-sak tì-sek ê oē, Lí koat-toàn m̄-thang thiaⁿ.

²⁸Choē bô-iaⁿ-chiah ê kan-chèng hì-lāng kong-pêng, Pháiⁿ-lāng thun-lóh choē-ok.

²⁹Hêng-hoát sī ūi-tiòh bú-bān ê lāng siat; Pīⁿ-phah iā sī ūi-tiòh gōng-lāng ê ka-chiah.

20 Chiú sī tì-kàu bú-bān ê, kàu-chiú tì-kàu soan-hoa, Kīⁿ-nā in-ūi i lâi chhò-gō· ê, sī bô tì-hūi.

²Ông ê ui-hong chhin-chhiūⁿ sai hām-hām-háu, Jiá i siū-khì ê, sī hāi ka-kī ê sīⁿ-miā.

³Lī-khui saⁿ-chiⁿ hit-hō lāng ū êng-kng, Tók-tók gōng-lāng ài oan-ke.

⁴Pîn-toāⁿ ê lāng tī tang-thiⁿ ê sī bô beh cheng-choh, Kàu siu-koah ê sī i kiū-khit, iā boē tit-tiòh.

⁵Lāng sim-lāi ê kè-bô· sī chhin-chhiūⁿ chhim ê chúi, tók-tók bêng-lí ê lāng chiah oē kà i chhiū--chhut-lâi.

⁶Kóng-khí ka-kī ê jîn-chū-ê chin-choē; Nā-sī tiong-sìn ê lāng chin oh tit-tiòh.

⁷Chiàu cheng-tít lâi kiáⁿ ê gī-lāng, I ê hō·-è ū hok-khì.

⁸Ông chē tī sím-phoàⁿ ê ūi, Ēng i ê bák-chiu koáⁿ-soàⁿ lóng-chóng ê pháiⁿ.

⁹Chī-chūi oē kóng, Goá í-keng chheng-khì goá ê sim, Goá ê choē í-keng soé-tū?

¹⁰Tô-chí bô tâng, chin, táu bô tâng, Lóng sī Iâ-hô-hoa só· iām-òⁿ.

¹¹Liân gín-ná tī só· choè ê, iā hián-bêng i ê pún-seng; I só· kiāⁿ-ê hék-sī sèng-kiat á cheng-tit.

¹²Oē thiaⁿ ê hī-khang, oē khoàⁿ ê bák-chiu, Nng-hāng lóng sī Iâ-hô-hoa só· choè ê.

¹³Bóh-tit tham-bîn, bián tì-kàu sòng-hiong; Thí-khui lí ê bák-chiu, chiaⁿ ũ kàu-giáh ê bí-niū.

¹⁴Boé mih ê, kóng, M̄-hó, m̄-hó; Kàu boé--khì-liáu ka-kī khoa-kháu.

¹⁵Ū kim iā ũ pó-chiòh choē-choē, Chóng-sī ũ chai-bat ê chhui-tûn, chiū chiāⁿ-choè kùì-khì ê tin-pó.

¹⁶Ūi-tiòh siⁿ-hūn lāng tam-pó tiòh thêh hit-lāng ê saⁿ, Thoè goā-lāng choè pó-jīm, hit ê lāng tiòh tam-tng chek-sêng.

¹⁷Ēng moā-piàn lâi tit-tiòh chiaⁿ-mih, lāng liáh-choè chu-bī, Chóng-sī āu-lâi i ê chhui moá-moá sī soa.

¹⁸Tùi chham-siông ták-hāng ê kè-ék tit-tiòh chiāⁿ; Lí beh kau-chiàn tiòh ēng hó ê kè-chhek.

¹⁹Sì-koè kiāⁿ, kóng lāng ê tng-té, lāu-siat pì-bít ê sū; Káu-oē ê, m̄-thang kap i kiat-kau.

²⁰Chiū-chó· lāu-pē á lāu-bú ê, I ê teng beh hoa tī kék o·-àm ê tiong-kan.

²¹Khí-thâu kín-kín tit-tiòh ê sán-giáp, Lō·bé m̄-sī choè i ê hok-khì.

²²Lí bóh-tit kóng, Goá beh pò-èng pháiⁿ, Tiòh theng-hāu Iâ-hô-hoa, I beh kiù lí.

²³Tô-chí bô saⁿ-tāng sī Iâ-hô-hoa só· iām-òⁿ, Ké ê thian-phêng iā sī m̄-hó.

²⁴Lāng ê kha-pō· sī tùi Iâ-hô-hoa tiāⁿ-tiòh; Lāng kiám oē chai i ê lō· mah?

²⁵Lāng sūi-piān kóng, Che sī sèng-mih; Hē-goān liáu, chiaⁿ chhâ-mng, che sī choè i ê lô-bāng.

²⁶Tì-hūi ê ông poah-soàⁿ pháiⁿ-lāng, Hō·chhia-lún lún i.

²⁷Lāng ê sim-sin sī Iâ-hô-hoa ê teng, Kàm-chhat lāng ê sim-pak.

²⁸Jîn-chū kap chin-sit pó-choân kok-ông; I ê chō-ūi iā in-ūi jîn-chū lâi kian-kò·.

²⁹Ióng-kiāⁿ sī siàu-liân lāng ê êng-kng; Pêh-thâu-mng chiū-sī lāu-lāng ê thé-biān.

³⁰Ēng piⁿ phah-siong tû-khì lāng ê choē-ok; Phah oē jip lāng ê sim-pak.

21 Ōng ê sim tī Iâ-hô-hoa ê chhiú-tiong; Chhin-chhiūⁿ chúì-kau, chiàu I ê só· ài phoà hō· i lāu.

²Lāng ê só· kiāⁿ ka-kī khoàⁿ-choè cheng-tit, Tók-tók Iâ-hô-hoa chhek-tók lāng ê sim.

³Kiāⁿ-gī péng-kong, Sī pí hián-chè koh khah tit-tiòh Iâ-hô-hoa chiap-láp.

⁴Bák koàiⁿ sim kiau, Í-kíp pháiⁿ-lāng ê teng lóng sī choē.

⁵Un-khūn kè-ék-ê tit-tiòh chhiong-sêng; Tók-tók sò-seng--ê oē tì-kàu khiām-kheh.

⁶Ēng khúì-chà ê chhih lâi tit-tiòh chinⁿ ê, Sī chhin-chhiūⁿ chhe-lâi chhe-khì ê phû-hūn, ka-kī chhiú sí.

⁷Pháiⁿ-lāng ê kiông-pō beh sàu-tû ka-kī; In-ūi in m̄-khéng kiāⁿ kong-pêng.

⁸Tīm-lèk tī choē-ok ê, i ê lō· sī chin oan-oat; Chóng-sī chheng-kiat ê lāng, i ê só· kiāⁿ sī cheng-tit.

⁹Lêng-khó· tiām tī chhiú-téng ê kak-thâu, Bóh-tit kap chháu-nāu ê hū-jîn-lāng saⁿ-kap toà tī khoan-khoah ê chhiú.

¹⁰Pháiⁿ-lāng ê sim ài lāng pháiⁿ; I ê bák-chiu pêng bô khó-lín i ê chhiú-piⁿ.

¹¹Bú-bān ê lāng siū hêng-hoat, gōng-tit ê lāng chiū tit-tiòh tì-hūi; Tì-hūi ê lāng siū kà-sī, chiū tit-tiòh chai-bat.

¹²Gĩ-lâng chhún-tók pháiⁿ-lâng ê ke, Chai pháiⁿ-lâng oē chia-tó kàu biát-bô.

¹³That-bát hĩ-khang m̄-thiaⁿ sòng-hiong lâng ai-kiú ê, I chiong-lâi kiú-kiò iā bô tit-tiòh thiaⁿ.

¹⁴Àm-chĩⁿ sàng mĩh at-chí siū-khì; Heng-chêng ê lé-mĩh oē soah toā siū-khì.

¹⁵Péng-kong kiâⁿ-gĩ tùi hó-lâng choè hoaⁿ-hí; Tùi tĩ pháiⁿ-lâng choè pāi-hoài.

¹⁶Lĩ-khui bêng-lí ê lō̄ ê, Hit ê lâng tiàm tĩ im-hũn ê hoē-tiong.

¹⁷Ài chhia-chhĩ-ê beh tì-kàu sòng-hiong; Hòⁿ chiú káp iū-ê boē-oē hó-giáh.

¹⁸Pháiⁿ-lâng choè gĩ-lâng siók-hoē ê kè-chĩⁿ; Kan-chà ê lâng choè chêng-tít lâng ê thoē-sin.

¹⁹Lêng-khó[·] tiàm tĩ không-iá, M̄-thang káp chháu-nâu kâu-khoē ê hũ-jĩn-lâng saⁿ-káp toà.

²⁰Tì-hũi ê lâng chhù-lâi ũ kùi-khì ê pó-mĩh káp iú; Gōng-lâng chiū sng-liáu-liáu.

²¹Tui-chhē kong-gĩ káp jĩn-chũ ê, Chiū chhē-tiòh oáh-miā káp kong-gĩ káp êng-hián.

²²Tì-hũi ê lâng peh-chiūⁿ íong-sũ ê siáⁿ, Pāi-hoài i só[·] óa-khò ê sè-lék.

²³Pó-siú i ê chhùi káp chĩh ê, Chiū pó-siú i ê sĩn-hũn bián siū chai-hāi.

²⁴Kiau-ngō[·] chũ-ko ê lâng miā kiò bú-bān, I ēng kiau-ngō[·] chhiong-kōng choè tãi-chì.

²⁵Pĩn-toāⁿ ê lâng beh tùi tham-iók lâi sí; In-tũi i ê chhiú m̄-khéng choè kang.

²⁶Ū lâng thong-jĩt tham-iók put-ti-chiok; Nā-sĩ gĩ ê lâng siá-sì, lóng bô kian-lĩn.

²⁷Pháiⁿ-lâng ê chè-hián sĩ khó-òⁿ ê; Hò-hòng i chũn pháiⁿ ì-sù lâi hián ah?

²⁸Lām-sám kan-chêng ê lâng beh biát-bô; Tók-tók chhĩn-hĩ thiaⁿ lâi kóng-ê, bô lâng oē piān-tó i.

²⁹Pháiⁿ-lâng bĩn-phê kâu; Nā-sĩ chêng-tít ê lâng kĩn-sĩn i ê só[·]-kiâⁿ.

³⁰Bô hit-hō tì-hũi chhang-miā kè-ék, Thang tí-ték Iâ-hô-hoa.

³¹Bé sĩ ũi-tiòh kau-chiàn ê jĩt lâi pĩ-pān--ê; Chóng-sĩ tek-sèng sĩ tùi Iâ-hô-hoa.

22 Hó miā-siaⁿ khah iâⁿ-kè toā hoat-chai; Un-hũi khah-hó kim-gũn.

²Hó-giáh sòng-hiong saⁿ óng-lâi; Lóng sĩ Iâ-hô-hoa só[·] chhòng-chō.

³Thong-tát ê lâng khoàⁿ-kĩn chai-ē chiū siám-bih; Gōng-tít ê lâng chĩn-chêng khi siū chai-hāi.

⁴Khiam-pi kèng-ùi Iâ-hô-hoa ê pò-siúⁿ, Chiū-sĩ hó-giáh, chun-kùi, oáh-miā.

⁵Koāi-phiah ê lâng ê lō̄, ũ chhĩ-phê káp lô-bāng; Pó-siú i ê lêng-hũn--ê, chiū lĩ-khui i hĩng-hĩng.

⁶Kàu-íong gĩn-ná tiòh ēng háp-gĩ ê hoat, Chiū i kàu-lâu iā bô oai-chhoáh.

⁷Hó-giáh--ê koán-hat sòng-hiong lâng; Khiām-chè-ê choè chè-chú ê chhe-ēng.

⁸Chai-chêng choē-ok--ê, beh siu chai-ē; I siū-khì ê koáiⁿ beh hoē-tũ.

⁹Hó-sim ê lâng beh tit-tiòh hok-khì; In-ũi chiong i ê bí-niũ pun hō[·] sòng-hiong lâng.

¹⁰Koáⁿ-chhũ bú-bān ê lâng chiū bô saⁿ-chĩⁿ; Oan-ke káp lêng-jíok iā beh soah.

¹¹Ài chheng-khì sim-koaⁿ ê lâng, In-tũi i kóng un-tián ê oē, ông beh choè i ê pêng-iú.

¹²Iâ-hô-hoa ê bák-chiu khoàⁿ-kò[·] chhang-miā ê lâng; Chóng-sĩ I pāi-hoài kóng kan-chà ê lâng ê giân-gú.

¹³Pĩn-toāⁿ ê lâng kóng, Ū sai tĩ goā-bĩn, Goá tĩ koe-lō̄--nih beh siū hāi-sĩ.

¹⁴Im-hũ ê chhùi sĩ chhim-khĩⁿ; Iâ-hô-hoa só[·] iām-òⁿ--ê beh poáh-lòh tĩ hí lâi-bĩn.

¹⁵Gû-gōng pāk-tīⁿ tī gín-ná ê sim-lāi; Nā-sī kàu-tok ê koáiⁿ-á koáⁿ i lī-khui hng-hng.

¹⁶Khi-hū sòng-hiong lāng, lâi lī-ek ka-kī, Koh sàng lé-mih hō· hó-giáh lāng-ê, lóng tì-kàu khiām-kheh.

¹⁷Lí tiòh àⁿ hī-khang thiaⁿ tì-hūi ê lāng ê oē; choan-sim tī goá ê chai-bat.

¹⁸Nā chūn tī lí ê sim, tiàu tī lí ê chhùi-tūn, Che chiū-sī hó.

¹⁹Goá kin-á-jit tiâu-tī ēng che chí-sī lí, Ūi-tiòh beh hō· lí óa-khò Iā-hô-hoa.

²⁰Kè-ék kap chai-bat ê hó-sū, Goá kiám bô siá hō· lí mah?

²¹Hō· lí chai chin-lí ê oē ê khak-sit; Hō· lí thang ēng chin ê oē hē-hok chhe lí ê.

²²M̄-thang chhiūⁿ-kiap sòng-hiong lāng ê mih, in-ūi i sòng-hiong; Iā m̄-thang tī siāⁿ-mng-kháu khi-hū khùn-khó· ê lāng.

²³In-ūi Iā-hô-hoa beh thoè i sin-oan; Chhiūⁿ-toát in ê, Iā-hô-hoa beh chhiūⁿ-toát hiah ê lāng ê sīⁿ-miā.

²⁴Khoài siū-khi ê lāng, m̄-thang kap i kau-poê; Toā siū-khi ê lāng, bóh-tit kap i óng-lâi.

²⁵Kiaⁿ-liáu lí óh i ê só·-kiāⁿ, Ka-kī hām-lóh tī lô-bāng.

²⁶Lí m̄-thang choè hit-hō kā lāng tah-èng ê, Á-sī kā khiām-chiⁿ-ê choè pó-jīm.

²⁷Lí nā bô thang hêng, Kiaⁿ-liáu lāng oē lâi giá lí teh khùn ê bīn-chhng.

²⁸Chá-sī lí ê chó·-kong só· līp ê toē-kài, Lí m̄-thang chhian-soá.

²⁹Lí ū khoàⁿ-kìⁿ lāng un-khūn pān tãi-chì ê bô? i beh khiā tī ông ê bīn-chêng, Bô beh khiā tī hā-chiān ê lāng ê bīn-chêng.

23 Lí nā kap koaⁿ-tiúⁿ chē-toh, Tiòh chù-i hit-ê tī lí bīn-chêng ê;

²Lí nā sī tham-chiáh ê lāng, Chiū tiòh ēng to hē tī nâ-âu.

³M̄-thang tham i ê hó chiáh-mih; In-ūi sī phiàn-lāng ê chiáh-mih.

⁴M̄-thang thoa-boā lâi kiū hó-giáh; M̄-thang óa-khò ka-kī ê chhang-miā.

⁵Lí kiám beh chù-bák tī hit ê khang-hu-ê mah? In-ūi chiⁿ-châi ka-kī beh hoat-sit, chhin-chhiūⁿ eng-chiáu pe chiūⁿ thiⁿ.

⁶M̄-thang chiáh kian-līn ê lāng ê png, Iā m̄-thang tham i ê hó chu-bī.

⁷In-ūi i ê sim án-ni siūⁿ, i choè lāng iā án-ni; I sui-jiân tui lí kóng, Chhiáⁿ chiáh, chhiáⁿ lim, Chóng-sī i ê sim bô ì-hiong lí.

⁸Chiū lí só· chiáh hit-tiám-á beh thò--chhut-lâi; Só· kóng ê hó-oē kui tī khang-khang.

⁹M̄-thang kóng-oē hō· gōng-lāng thiaⁿ, In-ūi i beh khoàⁿ-khin lí tì-hūi ê oē.

¹⁰M̄-thang î-soá chá-sī só· līp ê toē-kài, Iā m̄-thang chhim-jip bô-pē ê kiáⁿ ê chhân-toē.

¹¹In-ūi siók-hoē in-ê, ū toā koân-lêng, I beh tui lí lâi sin in ê oan.

¹²Tiòh choan-sim òng tī kà-sī, Áⁿ hī-khang tī tì-hūi ê oē.

¹³Gín-ná m̄-thang bô kàu-tok; Lí ēng chhê phah i boē tì-kàu sí.

¹⁴Lí ēng chhê phah i, Chiū thang kiū i ê lêng-hūn bián lóh im-hú.

¹⁵Goá ê kiáⁿ, lí ê sim nā ū tì-hūi, Goá ê sim tek-khak chin hoaⁿ-hí.

¹⁶Lí ê chhùi nā kóng cheng-tit, Goá ê sim-tng iā beh khoài-lók.

¹⁷Lí m̄-thang him-soān pháⁿ-lāng, tók-tók tiòh thong-jit keng-ùi Iā-hô-hoa.

¹⁸In-ūi iáu ū chiong-lâi ê pò-èng, Lí ê òng-bāng iā boē-oē toān-choát.

¹⁹Goá ê kiáⁿ, lí tiòh thiaⁿ, tiòh ū tì-hūi; Koh ín-chhoā lí ê sim tī cheng-tit ê lô·.

²⁰Hòⁿ lim-chiú ê, tham-chiáh bah ê, Lí m̄-thang kap i óng-lâi, kiát-kau á choè-tîn.

²¹In-ūi hòⁿ-chiú tham-chiáh-ê, beh tì-kàu sòng-hiong; Ài khùn-ê beh tì-kàu chhēng phoà-saⁿ.

²²Lí tiòh thiaⁿ-thàn siⁿ lí ê lāu-pē; Lí ê lāu-bú lāu ê sī, iā m̄-thang khoàⁿ-khin i.

²³Tiòh boé chin-lí, m̄-thang boē-chhut; Tì-hūi, kà-sī, kap bēng-lí, iā tiòh án-ni.

²⁴Gī-lâng ê lāu-pē beh toā khoài-lók; Lâng siⁿ-tiòh tì-hūi ê kiáⁿ beh in-ūi i lâi hoaⁿ-hí.

²⁵Lí tiòh hōⁿ lí ê pē-bú hoaⁿ-hí, Hōⁿ siⁿ lí ê bú khoài-lók.

²⁶Goá ê kiáⁿ, tiòh chiong lí ê sim hiàn hōⁿ goá, Lí ê bák-chiu iā tiòh hoaⁿ-hí goá hiah ê lōⁿ.

²⁷In-ūi chhiong-ki sī chhim-khiⁿ, Ím-hū sī oēh ê chíⁿ.

²⁸I teh tng-tán chhin-chhiūⁿ chhát, Tì lāng ê tiong-kan ke-thiⁿ khúì-chà ê lāng.

²⁹Chī-chūi ū chai-ē? chī-chūi ū iu-būn? chī-chūi ū saⁿ-chíⁿ? Chī-chūi ū thóⁿ-khui? chī-chūi bô iân-kòⁿ siū siong? Chī-chūi bák-chiu âng-bū?

³⁰Chiū-sī hit-hō lim-chiú m̄-chai soah, Sī-koè chhē tiau-hô ê chiú, hit-hō lāng.

³¹Chiú chiáⁿ-choè âng, Tì poe-lāi chiáⁿ-choè sek-chúi; Lim-liáu kút-âu, lí m̄-thang khoàⁿ i.

³²Kàu-bé chhin-chhiūⁿ choā teh kā lí, Chhin-chhiūⁿ tók-choā teh chhih lí.

³³Lí ê bák-chiu beh khoàⁿ kíⁿ ê sū, Lí ê sim beh hoat-chhut koāi-biū.

³⁴Lí beh chhin-chhiūⁿ tó tī hái-tiong, Á-sī chhin-chhiūⁿ khùn tī chūn-úi-téng ê lāng.

³⁵Lí beh kóng, Lāng phah goá, goá bô siū-siong, Lāng kòng goá, goá m̄-chai; Goá tī-sī cheng-sîn? goá koh khi chhē chiú.

24 Bóh-tit him-soān pháitⁿ-lāng, Iā m̄-thang ài kap in choè chit-tui.

²In-ūi in ê sim tôⁿ-bôⁿ không-pō, In ê chhùi tâm-lūn chân-hāi.

³Chhù tui tì-hūi lâi khí-chō, Koh tui chhang-miā lâi kiàn-líp.

⁴Koh tui tì-sek chiū hiah ê pāng-keng, Ū ták-hāng pó-poè kap súi ê chái-bút moá-moá.

⁵Tì-hūi ê lāng ū toā lēng-lék, Ū tì-sek ê lāng ke-thiⁿ khui-lát.

⁶Lí beh kau-chiàn tiòh ēng hó ê kè-chhek, Bôⁿ-sū choē, chiū oē tek-sèng.

⁷Tì-hūi chin koāiⁿ, gōng-lāng boē-oē kàu; Tì siāⁿ-mng i bô khui-chhùi.

⁸Siat kè-bôⁿ choè pháitⁿ ê, Lāng beh chheng i choè jiá chai-ē ê.

⁹Gōng-lāng ê sim-siūⁿ sī choē-ok, Bú-bān-ê sī lāng sóⁿ iām-òⁿ.

¹⁰Lí tī hoān-lān ê jít nā thoè-siok, Lí ê khui-lát chiū chió.

¹¹Lāng siū thoa kàu sí-toē, lí tiòh kiū i; Lāng beh siū thài, lí m̄-thang bô kiū i.

¹²Lí nā kóng, Khoàⁿ ah, chit ê sū goán m̄-chai, Hit-ê kàm-chhat lāng ê sim ê, kiám boē chhún-tók mah? Pó-choān lí ê siⁿ-miā-ê kiám m̄-chai? I kiám bô chiàu ták-lāng sóⁿ-kiāⁿ-ê pò-èng ták-lāng mah?

¹³Goá ê kiáⁿ, lí tiòh chiáh bít, in-ūi sī hó; Chiáh bít-pôⁿ sóⁿ tih ê bít chiū chai tìⁿ.

¹⁴Tiòh chai tì-hūi tī lí ê sim iā sī án-ni; Lí nā chhē-tiòh, chiong-lâi beh ū hó-pò; Lí ê ñg-bāng iā bô tì-kàu toān-choát.

¹⁵Pháitⁿ-lāng ah, m̄-thang bih teh kong-kek gī-lāng ê ke; M̄-thang pāi-hoāi i an-hiōh ê sóⁿ-chāi.

¹⁶In-ūi gī-lāng poáh-tó chhit-pái oē koh khí-lâi; Pháitⁿ-lāng siū chai-lān chiū tó-hoāi.

¹⁷Lí ê tùi-ték poáh-tó, lí bôh-tit hoaⁿ-hí; I tó-hoài, lí ê sim bôh-tit khoài-lók.

¹⁸Kiaⁿ-liáu Iâ-hô-hoa khoàⁿ-kìⁿ, chiū bô hoaⁿ-hí, Chiū hō· I ê siū-khì lī-khui hit-ê lāng.

¹⁹M̄-thang ūi-tiòh choè-pháiⁿ ê lāng lāi boē khat-tit, Iā bôh-tit him-siān pháiⁿ-lāng.

²⁰In-ūi pháiⁿ-lāng bô hó bé-kéng, Pháiⁿ-lāng ê teng beh hoa--khì.

²¹Goá ê kiáⁿ ah, lí tiòh kèng-ùi Iâ-hô-hoa kap kun-ông, Bôh-tit kap hoán-hok ê lāng kiat-kau.

²²In-ūi in ê chai-hāi hut-jian khí, In ê nî-hè ê choát, chī-chūi oē chai?

²³Ē-bīn só· kì-ê iā-sī tì-hūi lāng ê oē. Sím-phoàⁿ ê sī khoàⁿ lāng ê chêng-biān sī m̄-hó.

²⁴Tùì pháiⁿ-lāng kóng, Lí sī kong-gī, Chit ê lāng bān peh-siⁿ beh chiū-chó· i, liát-pang beh iām-ò·ⁿ i.

²⁵Chek-pī pháiⁿ-lāng-ê beh tit-tiòh hoaⁿ-hí, Hó-oē ê chiok-hok iā beh līm-kàu i.

²⁶Ēng háp-gī ê oē in-tap ê, Chhin-chhiūⁿ ēng chhui kā lāng chim.

²⁷Lí tiòh tãi-seng pī-pān goā-thâu ê sū, Chhân-hng liáu-lí chheng-chhó, Chiah thang khí-chhiū.

²⁸M̄-thang bô iān-kò· choè kan-chèng lāi kong-kek chhiū-piⁿ; Lí kiám beh ēng chhui-tūn lāi khi-phiàn lāng?

²⁹M̄-thang kóng i cháiⁿ-iūⁿ khoán-thāi goá, goá iā án-ni khoán-thāi i; Goá beh chiàu hit lāng só· kiāⁿ ê lāi pò i.

³⁰Goá keng-kè pīn-toāⁿ ê lāng ê chhân, Bū-ti ê lāng ê phū-tô-hng.

³¹Khoàⁿ-kìⁿ chhi-phè piàn-piàn hoat, Chháu-chhi jia-khām toē-bīn; Chiòh-chhiūⁿ iā tó--lòh-khì.

³²Goá khoàⁿ-liáu chiū liū-sim siūⁿ, Goá khoàⁿ-liáu chiū siū kà-sī.

³³Koh khùn tiap-á-kú, koh bīn tiap-á-kú, Sok-chhiú the tiap-á-kú;

³⁴Lí ê sòng-hiong beh chhin-chhiūⁿ chhát lāi, Lí ê khiām-kheh chhin-chhiūⁿ chhēng chiàn-kah-ê lāi.

25 Í-ē iā sī Só·-lô-būn ê chim-giān, sī Iū-tāi ông Hi-se-ka ê lāng só· chhau ê.

²Chiong tãi-chì pì-bát, sī Siōng-tè ê ēng-kng; Chiong tãi-chì chhâ-bēng, sī kun-ông ê ēng-kng.

³Thiⁿ ê koàiⁿ, toē ê kâu, Kun-ông ê sim iā chhâ-boē-chhut.

⁴Tū-khì gūn ê che-tái, Chiah ū khì-kū thang hō· thoàn-liān ê lāng ēng;

⁵Tū-khì ông ê bīn-chēng ê pháiⁿ-lāng, I ê kok-ūi sī tui kong-gī lāi kian-kò·.

⁶Tī ông ê bīn-chēng m̄-thang ka-kī chun toā, Iā m̄-thang khiā tī tãi-jīn ê ūi.

⁷Khah-hó ū lāng tui lí kóng, Chhiáⁿ lí chiūⁿ-lāi chia, M̄-thang tī lí só· kìⁿ ông-chhin ê bīn-chēng, Kiò lí lòh-khì.

⁸M̄-thang kín-kín chhut-khì kap lāng oan-ke, Bián-tit kàu-bé siū lí ê chhiū-piⁿ lēng-jio̍k ê sī, Lí m̄-chai beh cháiⁿ-iūⁿ choè.

⁹Lí kap chhiū-piⁿ kè-kàu, tiòh kap i pún-sin hun-hē; M̄-thang lō·-chhut pát-lāng pì-bit ê sū;

¹⁰Kiaⁿ-liáu thiaⁿ-kìⁿ ê lāng oē mē lí, Lí ê chhau-miā chiū oh-tit thoat-lī.

¹¹Kóng-oē háp-gī, Chhin-chhiūⁿ kim ê pīn-kó hē tī gūn ê nâ-á.

¹²Tì-hūi ê lāng ê chek-pī, tī sūn-thàn ê lāng ê hī-khang, Chhin-chhiūⁿ kim ê hī-kau kap hó-kim ê siú-sek.

¹³Tiong-sin ê sù-chiá tui-tī chhe i ê, Chhin-chhiūⁿ siū-koah ê sī ū sng-seh ê liāng-léng; In-ūi i hō· chú-lāng ê sim khoàⁿ-oáh.

¹⁴Bô-iáⁿ sàng mih lăi khoa-kháu ê, Sī chhin-chhiūⁿ ū hong ū hūn iā bô lōh-hō̄.

¹⁵Tng-tng thun-lún, chiū koaⁿ-tiúⁿ iā siū i khó·khng; Un-jiū ê chhui-chhih oē at-chhih kut-thâu.

¹⁶Lí ū tit-tiōh bit bô? chiáh kàu-giáh chiū hó; Kiaⁿ-liáu lí chiáh kè-giáh chiū thò--chhut-lăi.

¹⁷Lí ê kha m̄-thang chiáp-chiáp khi chhui-piⁿ ê ke, Kiaⁿ-liáu i iām-chiān lí, gīn-sin lí.

¹⁸Lām-sám kan-cheng hām-hāi chhui-piⁿ ê lāng, Chiū-sī chhin-chhiūⁿ thui kap to kap lăi-chiⁿ.

¹⁹Hoān-lān ê sī, oá-khò bô tiong-sin ê lāng, Chhin-chhiūⁿ pháiⁿ ê chhui-khi, thut-lūn ê kha.

²⁰Tui siong-sim ê lāng chhiūⁿ-koa, Chhin-chhiūⁿ tang-thiⁿ ê sī thng-saⁿ, koh chhin-chhiūⁿ piāⁿ-chhò· tī kiⁿ ê téng-bīn.

²¹Lí ê tui-ték nā iau, tiōh ēng bí-niū hō· i chiáh; Chhui-ta, tiōh ēng chúi hō· i lim;

²²In-ūi lí sī ēng jiát-jiát ê hé-thoàⁿ thiáp tī i ê thau-khak-téng; Iā-hô-hoa iā beh pò-siúⁿ lí.

²³Pak-hong oē tì-kàu lōh hō̄; Hui-pòng lāng ê chhih oē tì-kàu lāng piⁿ-bīn.

²⁴Lêng-khó· tiām tī chhui-téng ê kak-thâu, Bóh-tit kap chháu-nāu ê hū-jīm-lāng saⁿ-kap toà tī khoan-khoah ê chhui.

²⁵Ū hó siau-sit tui hng-hng lăi, Chhin-chhiūⁿ ēng léng-chúi hō· chhui-ta ê lāng lim.

²⁶Gī-lāng tī pháiⁿ-lāng ê bīn-cheng thè-niū, Chhin-chhiūⁿ táh-lô ê chúi-choāⁿ, phah lā-sâm ê chíⁿ.

²⁷Chiáh bit choē-choē sī m̄-hó; Lāng kiū ka-kī ê ēng-kng boē-sng-tit ēng-kng.

²⁸Lāng bô iok-sok ka-kī ê sim, Sī chhin-chhiūⁿ hui-hoai ê siāⁿ bô chhiūⁿ.

26 Hē-thiⁿ lōh-seh, siu-koah ê sī lōh-hō̄, lóng m̄ háp-gī; Gū-gōng ê lāng tit-tiōh ēng-kng iā sī án-ni.

²Chhek-chiáu-á óng-lăi, iⁿ-á pe-lăi pe-khi; Án-ni bô iān-kò· ê chhui-chó· iā boē ēng-giām.

³Piⁿ sī ūi-tiōh bé, kā-kiūⁿ sī ūi-tiōh lū; koáiⁿ-á sī ūi-tiōh gōng-lāng ê ka-chiah.

⁴M̄-thang chiáu gōng-lāng ê gōng lăi in i, Kiaⁿ-liáu lí kap i chit-iūⁿ.

⁵Tiōh chiáu gōng-lāng ê gōng lăi in i, Kiaⁿ-liáu i ka-kī khoàⁿ-choè tì-sek.

⁶Thok gōng-lāng pò siau-sit ê, Sī chhò-tng ka-kī ê kha, ka-kī chiáh-khui.

⁷Chim-giân tī gōng-lāng ê chhui, Chhin-chhiūⁿ pái-kha ê kha khang-khang teh hīⁿ.

⁸Chiong ēng-kng hō· gū-gōng ê lāng, Chhin-chhiūⁿ ēng chit pò-tē-á pó-chiōh khng tī chiōh-tui ê lăi-bīn.

⁹Chim-giân tī gōng-lāng ê chhui, Chhin-chhiūⁿ chhi chhák-jip chui-hàn ê chhiú.

¹⁰Chhiāⁿ gōng-lāng á-sī chhiāⁿ kè-lō· lāng lăi choè-kang-ê, Chhin-chhiūⁿ siā-chiⁿ-ê siā-chhut chīⁿ, siong-tiōh cheng-lāng.

¹¹Gōng-lāng koh-chài tī i ê gōng, Chhin-chhiūⁿ káu tò-tng chiáh i só·-thò·-ê.

¹²Lí ū khoàⁿ-khīⁿ ka-kī liáh-choè tì-sek ê lāng bô? Gōng-lāng pí i iáu khah ū thang òng-bāng.

¹³Pīn-toāⁿ ê lāng kóng, Tī lō--nih ū bég ê sai, Tī koe-lō--nih ū ióng ê sai.

¹⁴Mng tī mng-khū teh tng, Pīn-toāⁿ ê lāng tī bīn-chhng--nih iā sī án-ni.

¹⁵Pīn-toāⁿ ê lāng chhun-chhiú tī poāⁿ--nih, Thèh tò-tng kàu chhui iā hiām tiōh-boā.

¹⁶Pīn-toāⁿ ê lāng khoàⁿ ka-kī ū tì-hui, Iāⁿ-kè chhit ê gâu in-tap ê lāng.

¹⁷Kè-lō· lāng khi chhap bô kan-siáp i ê saⁿ-chiⁿ, Sī chhin-chhiūⁿ lāng khiú-tiōh káu ê hī.

¹⁸ ¹⁹Lâng khi-phiàn i ê chhù-piⁿ, Lâi kóng, Goá kiám m̄-sī kún-chhiò mah? Sī chhin-chhiūⁿ tian-kông ê lâng hiat hé-pé, Í-kip lâi-chiⁿ kap thâi lâng ê ke-si.

²⁰Hé khiàm chhâ chiū oē hoa, Bô lâng óh-oē, saⁿ-chiⁿ chiū soah--khì.

²¹Ài saⁿ-chiⁿ ê lâng oē kek-tōng saⁿ-chiⁿ, Chhin-chhiūⁿ thiⁿ thoàⁿ tī tòh ê thoàⁿ, thiⁿ chhâ tī hé--nih.

²²Óh-oē ê lâng ê giân-gú chhin-chhiūⁿ hó-chiáh ê mih; Chhim-jíp lâng ê pak-lâi.

²³Chhùi chhin-jiát, sim kan-ok; Chhin-chhiūⁿ hui-khì an gûn ê che-tái.

²⁴Oàn-hūn lâng-ê kóng pho·pâi oē, Chóng-sī sim-lâi khng khui-chà.

²⁵I kóng hó-thiaⁿ ê oē, lí m̄-thang sìn i, In-ūi i ê sim-lâi ū chhit-hāng ê khó-òⁿ.

²⁶I sui-jiân ēng khui-chà jia-iám ka-kī ê oàn-hūn, I ê pháiⁿ beh lō·hiân tī hoē-chiòng ê bīn-chēng.

²⁷Kút hām-khiⁿ ê lâng ka-kī beh poáh tī hí lâi-bīn; Kō chiòh-thâu ê lâng, chiòh-thâu beh tò-túg lâi kō--tiòh i.

²⁸Pêh-chhát ê chih, oàn-hūn i só· teh-siong ê lâng; Thiám-mī ê chhùi oē pāi-hoài lâng

27 M̄-thang ūi bīn-á-jit lâi ka-kī khoa-kháu, In-ūi lí m̄-chai chit-jit beh siⁿ-chhut sím-mih sū.

²Tiòh hō· pát-lâng o-ló lí, m̄-thang ēng lí ka-kī ê chhùi; Hō· goā-lâng o-ló lí, m̄-thang ēng ka-kī ê chhùi-tún.

³Chiòh-thâu tâng, soa iā sī án-ni; Gōng-lâng ê siū-khì pí chí nng-hāng khah-tâng.

⁴Toā siū-khì sī chân-jím, siū-khì sī hoàn-lām ê chú; Tók-tók tī tò·khì ê thâu-chēng chī-chui khiā oē tiâu?

⁵Hián-jiân ê chek-pī, Iāⁿ-kè ún-bát ê ài-chēng.

⁶Pêng-iú ê phah-siong chhut tī tiong-sìn; Tók-tók tui-ték ê chim-chhùi sī kè-giáh choē.

⁷Lâng chiáh-pá, iām-khī bit-pô· ê bit; Pak-tó· iau-gō it-chhè khó· ê mih lóng liáh-choē tīⁿ.

⁸Lâng lī-khui pún só·-chāi khi phiau-liú, Sī chhin-chhiūⁿ chiáu-á lī-khui i ê siū sī-koè pe.

⁹Ko-iú kap huiⁿ-liáu hō· lâng ê sim hoaⁿ-hí; Pêng-iú sít-sim ê khó·-khng, i ê tīⁿ iā-sī án-ni.

¹⁰Lí ê pêng-iú, kap lâu-pē ê pêng-iú, lí lóng m̄-thang khi-sak; Lí tú-tiòh hoān-lân ê jit m̄-thang khi hiaⁿ-tī ê ke; Hū-kūn ê chhù-piⁿ iāⁿ-kè hng-hng ê hiaⁿ-tī.

¹¹Goá ê kiáⁿ ah, lí tiòh ū tī-hui, hō· goá ê sim hoaⁿ-hí; Hō· goá thang in-tap hit ê ki-chhi goá ê lâng.

¹²Thong-tát ê lâng khoàⁿ-kìⁿ chai-ē chiū siám-bih; Gōng-tit ê lâng chìn-chēng khi, chiū siū-hāi.

¹³Ūi-tiòh siⁿ-hūn lâng tam-pó, tiòh thèh hit-lâng ê saⁿ; Ūi-tiòh kī-lú choē pó-jīm, hit ê lâng tiòh tam-tng chek-sēng.

¹⁴Chheng-chá khí-lâi, toā-siaⁿ ká pêng-iú chiok-hok, Chit ê sū sng i choē chiù-chó·.

¹⁵Toā-hō· ê jit chú tih bô soah, Chháu-nāu ê hū-jîn-lâng iā án-ni.

¹⁶Ài chó·-tòng i ê, chiū-sī chó·-tòng hong; I ê chiàⁿ-chhiú chhin-chhiūⁿ lák-tiòh iū.

¹⁷Thih boā thih hō· i lâi, Pêng-iú saⁿ kek-lē iā sī án-ni.

¹⁸Kò·-siú bû-hoa-kó chhiū ê, beh chiáh i ê ké-chí; Kò· i ê chú-lâng-ê, beh tit-tiòh ēng-kng.

¹⁹Chhin-chhiūⁿ chiò tī chú--nih, bīn kap bīn saⁿ-tùi; Lâng ê sim kap lâng saⁿ-tùi iā-sī án-ni.

²⁰Im-hú kap biát-bô lóng put-ti-chiok; Lâng ê bák-chiu put-ti-chiok iā-sī án-ni.

²¹Khe-á sī beh thoàn-liân gûn, lô· sī beh thoàn-liân kim; Tùi o-ló iā thang chhì-giām lāng.

²²Lí sui-jiân ēng khū-thui, chiong gōng-lāng kap phah-chhùi ê beh saⁿ-kap cheng tī khū-lāi, I ê gōng iā boē-oē lī-khui i.

²³Lí tiōh siōng-sè chai lí ê iūⁿ-kūn ê keng-hóng, Liū-sim liāu-lí lí ê gū-kūn;

²⁴In-ūi chīⁿ-chāi boē-oē éng-éng tī-teh; Bián-liū kiám oē chūn kàu tāi-tāi mah?

²⁵Ta-chháu í-keng siu, chháu-iūⁿ koh hoat-khì-lāi; Soaⁿ-téng ê chhài-soe iā í-keng siu-síp.

²⁶Iūⁿ ê mng sī thang hō· lí choē-saⁿ, Soaⁿ-iūⁿ choē chhân-hng ê kē-chīⁿ.

²⁷Iā ū soaⁿ-iūⁿ ê ni hō· lí kap lí ê ke-koàn chiáh; Iā thang iūⁿ-chhī lí ê lú-pī.

28 Bô lāng tui-jip ê sī, pháiⁿ-lāng iā teh cháu; Tók-tók gī-lāng hó-táⁿ chhin-chhiūⁿ sai.

²In-ūi toē-hng ū choē-koà, jîn-kun chiū choē-choē; Ū beng-lí kap chai-bat ê lāng, kok chiū oē tng-tng tī-teh.

³Chhiah-lāng khi-hū sòng-hiong lāng, Chhin-chhiūⁿ choē toā-chúi ê hō· sàu-bô ngó·kok.

⁴Pàng-sak lút-hoat-ê o-ló pháiⁿ-lāng; Chóng-sī chip-siú lút-hoat-ê kap pháiⁿ-lāng saⁿ-chīⁿ.

⁵Pháiⁿ-lāng bô beng-pék kong-gī, Nā-sī chhē-kiū Iā-hô-hoa-ê bô m beng-pék.

⁶Sòng-hiong lâi kiāⁿ cheng-tít, Iāⁿ-kē kiāⁿ tãi-chì koāi-phiah ê hó-giáh lāng.

⁷Kín-sim siú lút-hoat ê, sī tì-hui ê kiáⁿ; Kap tham-chiáh-ê choē-phoāⁿ, sī lêng-jiók-tiōh lâu-pē.

⁸Pàng tâng-lāi lâi hoat-chai ê, Sī ká hit ê lín-bín sòng-hiong lāng-ê chek-chū.

⁹Hī-khang oát-cháu m-thiaⁿ lút-hoat ê, Liân i ê kī-tó iā sī khó-òⁿ.

¹⁰Bē-hék cheng-tít lāng kiāⁿ pháiⁿ-lō· ê, Beh poah-lòh tī ka-kī ê hām-khiⁿ. Tók-tók oân-choân ê lāng beh sêng-chiap hó ê giáp.

¹¹Hó-giáh lāng ka-kī khoàⁿ-choē tì-hui, Tók-tók chhang-miā ê sòng-hiong lāng khoàⁿ i thau-thau.

¹²Gī-lāng tek-chì ū toā ēng-kng; Pháiⁿ-lāng heng-khí, lāng chiū cháu khì bih.

¹³Jia-iám ka-kī ê choē-ok ê, boē heng-thong; Tók-tók jîn-choē lâi koé-pìⁿ-ê, beh tit-tiōh lín-bín.

¹⁴Siōng-siōng chūn kiaⁿ-ui ê, ū hok-khì; Ngī i ê sim ê lāng beh hām-lòh tī i ê chai-ē.

¹⁵Pō-giók ê jîn-kun koán-hat sòng-hiong ê peh-siⁿ, Sī chhin-chhiūⁿ hām-hām-háu ê sai, kap chhē-chiáh ê hīm.

¹⁶Bū-ti ê jîn-kun choē-choē kiāⁿ pō-giók; Oân-hūn tham-chai-ê beh chiáh tng hē-siū.

¹⁷Tam-tng thài-lāng ê choē ê, Beh cháu-jip chhim-khiⁿ, lāng m-thang chók-tòng i.

¹⁸Kiāⁿ tãi-chì cheng-tít ê, beh tit-tiōh chín-kiù; Kiāⁿ tãi-chì oan-khiau ê, beh líp-khek poah-tó.

¹⁹Cheng-choh i ê chhân-hng ê, beh ū bí-niū kàu-giáh; Kau-poē bô hē-lòh ê lāng, beh kék sòng-hiong.

²⁰Sin-sit ê lāng beh tit-tiōh choē-choē hok-khì; Siūⁿ beh kín hoat-chai ê, boē bián-tit siū heng-hoat.

²¹Khoàⁿ cheng-biān ê, sī m hó; In-ūi chit-tè-á piáⁿ lâi hoan-hoat-ê, iā sī m-hó.

²²Lāng pháiⁿ-bák siūⁿ beh kín hoat-chai ê; Chóng-sī m-chai sòng-hiong beh līm-kàu i.

²³Chek-tok lāng ê, āu-lâi tit-tiōh lāng hoaⁿ-hí; Khah-choē hit ê ēng chhī thiám-mī lāng ê.

²⁴Thau-thèh lău-pē á lau-bú ê mih, koh kóng, Che m̄-sī choē, Chit-hō lăng sī kap chân-hāi ê lăng siăng-lūi.

²⁵Tham-sim ê lăng khí saⁿ-chiⁿ; Nā-sī óa-khò Iâ-hô-hoa ê, beh tit-tiòh hong-sēng.

²⁶Óa-khò ka-kī ê sim-su ê, sī gōng ê lăng; Chiàu tì-hūi lâi kiâⁿ ê, beh tit-tiòh chín-kiù.

²⁷Chín-chè sòng-hiong ê, bô tì-kàu khiàm-kheh; Chóng-sī tìⁿ-choè bô khoàⁿ-kìⁿ ê, beh choē-choē siū chiù-chó.

²⁸Pháiⁿ-lăng heng-khí, lăng chiū siám-bih; In nā pāi-bô, gī-lăng chiū ke-thiⁿ choē-choē.

29 Lăng táuh-táuh siū chek-hoát, iū-goân ngī i ê âm-kún, I beh hut-jiân-kan pāi-hoāi, lóng bô hoat-tō· thang i-tī.

²Gī-lăng ke-thiⁿ choē-choē ê sī, peh-siⁿ chiū khoài-lók; Pháiⁿ-lăng chiáng-koân ê sī, peh-siⁿ chiū thó·-khui.

³Him-bô· tì-hūi ê, hō· i ê lău-pē khoài-lók; Kap kī-lú kiát-kau-ê, hoa-hūi i ê chin-chai.

⁴Ông chiàu kong-pêng hō· kok kian-kò·; Ài siū pò·-lō· chiū chhia-tó i.

⁵Thiám-mī i ê chhù-piⁿ ê, Chiū-sī siat lô-băng tìⁿ i ê kha.

⁶Tī pháiⁿ-lăng ê choē-tiong ũ lô-băng; Tók-tók gī-lăng chhiūⁿ-koa hoaⁿ-hí.

⁷Gī-lăng chhâ-chai sòng-hiong lăng ê àn-kiâⁿ; Pháiⁿ-lăng bô beng-lí, chiū m̄-chai.

⁸Bú-bān ê lăng kiáu-jiáu siâⁿ, chhin-chhiūⁿ pàng hé sio; Tók-tók tì-sek ê lăng hō· siū-khì lóng soah.

⁹Tì-hūi ê lăng kap gōng-lăng saⁿ-chiⁿ, Hék-sī siū-khì á-sī chhiò, lóng boē-oē an-chēng.

¹⁰Ài thài lăng-ê oàn-hūn oân-choân ê lăng; Tók-tók cheng-tít ê lăng beh tih i ê siⁿ-miā.

¹¹Gū-gōng ê lăng ũ siū-khì chiū lóng hián-chhut; Nā-sī tì-sek ê lăng chiū iok-sok hō· i soah.

¹²Chiáng-koân-ê nā thiaⁿ-thàn pèh-chhát oē, I ê jîn-sin chiū lóng pháiⁿ.

¹³Sòng-hiong ê lăng, kap pō-giòk ê lăng, saⁿ tú-tiòh; Iâ-hô-hoa chiò-kng in nng téng-hō lăng ê bák-chiu.

¹⁴Ông chiàu sêng-sit phoàⁿ-toàn sòng-hiong lăng, I ê chō-ūi beh éng-oán kian-kò.

¹⁵Koáiⁿ-á kap chek-pī oē ke-thiⁿ tì-hūi; Pàng chhut-chai i ê gín-ná, oē hō· i ê lău-bú kian-siàu.

¹⁶Pháiⁿ-lăng ke-thiⁿ ê sī, choē-koà iā ke-thiⁿ; Gī-lăng beh khoàⁿ-kìⁿ in sit-pāi.

¹⁷Kàu-tok lí ê kiáⁿ, i chiū beh hō· lí an-sim; I iā beh hō· lí ê sim hoaⁿ-hí.

¹⁸Nā bô bék-sī īⁿ-siōng, peh-siⁿ chiū hòng-chhiòng; Tók-tók chip-siú lút-hoat ê, chiū ũ hok-khì.

¹⁹Kan-ta ēng oē, lô·-pók m̄-khéng siū kàu-tok; I sui-jiân beng-pék, iā bô tì-ì.

²⁰Lí khoàⁿ-kìⁿ koáⁿ-kín kóng-oē ê lăng bô? Gōng-lăng pí i khah ũ thang ñg-băng.

²¹Lăng ũ lô·-pók tui soè-hàn khoán-thai i kè-thau; Chit ê lô·-pók kàu lô·-bé beh piàn-choè i ê kiáⁿ.

²²Ài siū-khì ê lăng khí saⁿ-chiⁿ, Toā siū-khì ê lăng choē-choē hoân-choē.

²³Lăng ê kiau-ngō· beh hō· i kàng-kē; Sim khiam-pi ê lăng beh hō· i tit-tiòh êng-kng.

²⁴Kap chhát pun-chng ê lăng, sī oàn-hūn ka-kī ê siⁿ-miā; I thiaⁿ-kìⁿ chiù-choā ê oē, iā bô kóng-chhut.

²⁵Kiaⁿ-ùi lăng ê, chiū-sī siat lô-băng; Tók-tók óa-khò Iâ-hô-hoa ê, beh tit-tiòh an-ún.

²⁶Choē-choē lăng kiú chiáng-koân-ê ê un-tián; Tók-tók lăng ê siū phoàⁿ-toàn sī tui Iâ-hô-hoa.

²⁷Bô kong-tō ê lăng, sī gī-lăng só· iàm-òⁿ;

Kiáⁿ cheng-tít ê lâng, sī pháiⁿ-lâng só[·] iàm-òⁿ.

30 Ngá-ki ê kiáⁿ A-kó[·]-jīⁿ ê oē, chiū-sī bék-sī; Chit ê lâng tùi Í-thiat kóng, chiū-sī tùi Í-thiat kap O[·]-kah kóng;

²Goá pí cheng-lâng khah chhún-pūn, Iā bô lâng ê chhang-miā.

³Goá bô hák-síp tì-hūi, Iā m̄-bat Chì-seng-ê ê chai-bat.

⁴Chī-chūi chiūⁿ thiⁿ koh lóh-lâi? Chī-chūi chū-chíp hong tī chhiú-tiong-sim? Chī-chūi pau chúi tī saⁿ-á-lâi? Chī-chūi tiāⁿ-tiòh toē ê sì-kék? I ê miā kiò sím-mih, I ê kiáⁿ miā kiò sím-mih, lí chai mah?

⁵Siōng-tè ê oē, ták-kù lóng sī kè thoàn-liân ê, Kìⁿ-nā oá-khò I ê, I chiū choè in ê tín-pài.

⁶I ê oē, lí m̄-thang ke-thiⁿ; Kiaⁿ-liáu I chek-pī lí, lí chiū hián-beng sī kóng pèh-chhát ê.

⁷Goá kiū Lí nng kiáⁿ sū; Tī goá bē sí ê tãi-seng, m̄-thang bô hō[·] goá.

⁸Kiū Lí hō[·] hu-ké kap pèh-chhát lī-khui goá hng-hng; Hō[·] goá bô sòng-hiong iā bô hó-giáh; Eng só[·] tiòh eng ê bí-niū hō[·] goá chiáh;

⁹Kiaⁿ-liáu goá pá-chiok m̄-jīm Lí; kóng Iā hô-hoa sī chī-chūi? Koh kiaⁿ-liáu goá sòng-hiong chiū thau-théh; Tì-kàu siat-tók goá ê Siōng-tè ê miā.

¹⁰M̄-thang tùi chú-lâng lâi kóng i ê lô[·]-pók pháiⁿ-oē, Kiaⁿ-liáu i chiū-chó[·] lí, lí chiū sng-choè ū choè,

¹¹Ū chít-phài ê lâng chiū-chó[·] i ê lāu-pē, Iā bô ká i ê lāu-bú chiok-hok.

¹²Ū chít-phài ê lâng, ka-kī khoàⁿ-choè chheng-khì; Chóng-sī bô soé-tú i ê ù-oè.

¹³Ū chít-phài ê lâng bák-chiu-thâu chīn-chāi koàiⁿ; Bák-chiu-phê iā thí koàiⁿ-koàiⁿ.

¹⁴Ū chít-phài ê lâng i ê gē chhin-chhiūⁿ kiàm, khí chhin-chhiūⁿ to; Beh thun-biát toē

bīn-chiūⁿ khùn-khó[·] ê lâng, kap sè-kan ê sòng-hiong lâng.

¹⁵Gô[·]-khī ū nng ê cha-bó[·]-kiáⁿ, siōng-siōng kóng, Hō[·] goá, hō[·] goá. Ū saⁿ-hāng bô tì-chiok ê; Liân hit-hō bô kóng kàu-giáh-ê ū sì-hāng;

¹⁶Chiū-sī im-hú, kap boē hoai-īn ê chiòh-thai; Bô kàu-giáh chúi ê toē, kap bô kóng, Kàu-giáh ê hé.

¹⁷Hī-lāng lāu-pē, Khoàⁿ-khin m̄-thiaⁿ-thàn lāu-bú ê oē, Hit-hō lâng ê bák-chiu beh hō[·] soaⁿ-kok-tiong ê o[·]-a teh--chhut-lâi. Hō[·] eng-á-kiáⁿ só[·] chiáh.

¹⁸Goá só[·] siūⁿ-boē-chhut ê kī-biāu, ū saⁿ-hāng; Liân goá só[·] m̄-chai-ê ū sì-hāng.

¹⁹Chiū-sī eng-chiáu tī khong-tiong ê lô[·]; Choá tī chiòh-poāⁿ-téng ê lô[·]; Chún tī hái-tiong ê lô[·]; Lâm kap lú kau-háp ê lô[·].

²⁰Im-hū ê lô[·] iā sī án-ni, I chiáh-liáu chhit i ê chhiū; Chiū kóng, Goá bô kiáⁿ pháiⁿ.

²¹Ūi-tiòh saⁿ-hāng toē iô-choah, Liân tam-tng boē-khí-ê ū sì-hāng.

²²Chiū-sī lô[·]-pók choè ông. Gōng-lāng chiáh kàu-giáh;

²³Bô lāng-iân ê lú-chú chhut-kè; Lú-pī soà-chiap chú-bú.

²⁴Toē-bīn-chiūⁿ ū sì-hāng bī-soè ê mih, Chóng-sī kék tì-sek.

²⁵Káu-hiā sī bô-lát ê chéng-lui, Chóng-sī tī hē-thiⁿ ê sī pī-pān bí-niū.

²⁶Sa-hoan sī loán-jiók ê chéng-lui, Chóng-sī tī chiòh-poāⁿ-tiong khí-chhiū.

²⁷Chháu-meh bô kun-ông, Chóng-sī lóng oē hun-tui chhut-khì.

²⁸Siān-lāng eng chhiú khīⁿ, Chóng-sī tiàm tī ông-kiong.

²⁹Pō[·]-kiāⁿ ui-hong ê ū saⁿ-hāng, Liân kiáⁿ-táh ui-hong ê ū sì-hāng.

³⁰Sai, chiū-sī iá-siù tiong tē-it bég ê, Bô ũi-tiòh pát-mih lâi siám-pī.

³¹Láh-káu, kap kang ê soaⁿ-iūⁿ; Í-kip bô lâng tí-ték ê kun-ông.

³²Lí nā chū-ko gōng-gōng choè, Á-sī chūn pháiⁿ liām-thâu; tiòh ēng chhiú ng chhui.

³³Phah gū-leng oē chiáⁿ ni-iū, Phah-tiòh phīⁿ oē chhut-huih; Chhin-chhiūⁿ án-ni kek siū-khì oē khí saⁿ-chiⁿ.

31 Má-sat ông Lī-bō-i-lék ê oē, chiū-sī i ê lâu-bú sóⁿ kà-sī ê.

²Goá ê kiáⁿ ah, tiòh chái-iūⁿ? goá chhin-siⁿ ê kiáⁿ ah, tiòh cháiⁿ-iūⁿ? Goá hē-goān tit-tiòh ê kiáⁿ ah, tiòh cháiⁿ-iūⁿ ah?

³M̄-thang chiong lí ê cheng-lék hōⁿ hū-jîn-lâng, Lí ê sóⁿ kiáⁿ m̄-thang thàn hiah ê pāi-hoài ông ê.

⁴Lī-bō-i-lék ah, lim-chiú m̄-sī ông sóⁿ háp-gī, m̄-sī ông sóⁿ háp-gī; Ông-chhin kóng, Káu-chiú tī toh-lóh? iā sī bô háp-gī.

⁵Kiaⁿ-liáu in lim--lòh-khì chiū boē-kì-tit lút-hoat; Phian-toàn it-chhè siū-khóⁿ ê lâng ê àn-kiáⁿ.

⁶Káu-chiú tiòh hōⁿ beh sí ê lâng, Chiú tiòh hōⁿ khóⁿ-sim ê lâng;

⁷Hōⁿ i lim-liáu boē-kì-tit i ê sòng-hiong; Bô koh kì-tit i ê kan-khóⁿ.

⁸Lí tiòh ũi-tiòh é-káu-ê lâi khui-chhui; Ũi-tiòh it-chhè bô i-oá--ê, lâi sin in ê oan.

⁹Lí tiòh khui-chhui chiàu kong-gī phoàⁿ-toàn; Ũi-tiòh khùn-khóⁿ kap sòng-hiong-ê sin-oan.

¹⁰Ũ chài-tek ê hū-jîn-lâng chī-chui oē chhē-tiòh ah? I ê kà-tit toā-toā iáⁿ-kè pó-chiòh.

¹¹I ê tiōng-hu ê sim óa-khò i, Lóng bô khiàm-kheh chài-lī.

¹²I chit-sì-lâng ê jlt, Hōⁿ tiōng-hu ũ lī-ek bô sún-hāi.

¹³I chhē mī-iūⁿ ê mng kap iù-moà, Kam-sim ēng chhiú choè kang.

¹⁴I chhin-chhiūⁿ seng-lí chūn, Tùi hng-hng ũn i ê bí-niū lâi.

¹⁵Thiⁿ bē kng, i chiū khí-lâi, Ēng chiáh-mih pun hōⁿ ke-lâi ê lâng; Chiong eng-kai choè ê kang hun-phài lú-pī.

¹⁶I chim-chiok khoàⁿ chhân-hng, chiū boé i; Ēng i ê chhiú sóⁿ-thàn-ê, lâi chai-chèng phû-tô-hng.

¹⁷I ēng khui-lát hā-io, Hōⁿ chhiú-kut giám-ngī.

¹⁸I chai sóⁿ keng-êng-ê ũ lī-ek; I ê teng thong-mī bô hoa.

¹⁹I ê chhiú thèh ák-á, I ê chhiú-sim hoāⁿ pháng-chhia.

²⁰I chhut-chhiú chín-chè kan-khóⁿ lâng; Chhun-chhiú pang-chān sòng-hiong lâng.

²¹I bô in-ũi lóh-seh,ũi ke-lâi ê lâng khoà-lū; In-ũi choân-ke lóng chhēng chu-âng ê i-hók.

²²Iũi ka-kī choè súi ê thán-á; I sóⁿ chhēng-ê chiū-sī iù-toē-pòⁿ kap chí-sek ê pòⁿ.

²³I ê tiōng-hu tī siáⁿ-mng-kháu lâng-lâng bat i; In-ũi i kap pún-toē ê tióng-ló saⁿ-kap chē.

²⁴I choè iù-toē-pòⁿ ê i-chiūⁿ khì boē; Koh chiong io-toà boē hōⁿ seng-lí lâng.

²⁵Khui-lát kap ui-gī sī i ê i-hók; I siūⁿ-tiòh chiong-lâi ê keng-hóng, chiū hoaⁿ-hí chhiò.

²⁶I khui-chhui chiū kóng tì-sek ê oē; I ê chhi ũ jîn-chū ê kà-sī.

²⁷I chim-chiok khoàⁿ ke-lâi ê sū, Bô chiáh ēng png.

²⁸I ê kiáⁿ-jī khí-lâi chheng i ũ hok-khì; I ê tiōng-hu iā o-ló i,

²⁹Kóng, Cha-bóⁿ-kiáⁿ hó tek-hēng-ê choē-choē, Tók-tók lí kài-tē-it ê.

³⁰Hó jîn-châi sī ku-ké ê, súi iā sī khang-khang; Tòk-tók kèng-ùi Iâ-hô-hoa ê hū-jîn-lâng beh tit-tiōh o-ló.

³¹I ê chhiú só· choè ê hāu-kó kui i; I ê kang tī siâⁿ-m̄g beh o-ló i.